

宋本每幅廿行十六字小字不等 景不孝同

鮑照集序

鮑照字明遠本上黨人家世貧賤少

有文惠宋臨川王愛其才以為國侍

郎王薨始興王濬又引為侍郎孝武

初除海虞令遷太學博士兼中書舍

人一本云時駐多忌以文自高與侍

其才出為秣陵令又轉永嘉令大明





五年除前軍行參軍侍臨海王鎮荆  
州掌知內命尋遷前軍刑獄參軍事  
宋明帝初江外拒命及義嘉敗荆土  
震擾江陵人宋景因亂掠城為景所  
殺時年五十餘身既遇難篇章無遺  
流遷人間者往往見在儲皇博採羣  
言遊好文藝片辭隻韻罔不收集照

所賦述雖乏精典而有超麗爰命陪  
趨備加研訪年代稍遠零落者多今  
所存者儻能半焉

鮑氏志卷第

散騎侍郎虞炎奉敕撰

舞鶴賦

燕城賦

芙蓉賦

宋本連去  
目錄空五格題  
三四格後同



遊思賦

飛蛾賦

舞鶴賦

宋今無摠目存

此節書名卷數

鮑明遠集目錄

卷一

舞鶴賦

蕪城賦

芙蓉賦

游思賦

飛蛾賦

卷二

尺蠖賦

國家圖書館, NATIONAL CENTRAL LIBRARY, TAIWAN, R.O.C.



觀漏賦

野鵝賦

傷逝賦

園葵賦

卷三

〇〇〇代東武吟一本已下〇〇〇一  
並無代字

代出自薊北門行

代結客少年場行

代東門行

代苦熱行

代白頭吟

代蒿里行

代放歌行

代昇天行

代別鶴操

代雉朝飛

代淮南王二首

代空城雀

國家圖書館, NATIONAL CENTRAL LIBRARY, TAIWAN



代鳴鴈行

代夜坐吟

代北風涼行

代春日行

代少壯時至衰老行

代陽春登荆山行荆一作京

代朗月行

代堂上歌

代貧賤愁苦行

行十六字

代邊居行

代門有車馬客行

代悲哉行

代權歌行

代邽街行一本作去邪行

代陳思王白馬篇

代陳思王京洛篇

代陸平原君子有所思行

代白紵曲二首



皇代白紵舞歌詞四首始與王

作并格

卷四

擬古八首

擬青青陵上栢

學劉公幹體五首

擬阮公夜中不能寐

學陶彭澤體奉和王

義興

紹古辭七首

幽蘭五首

卷五

學古一作北

風雪

潯陽還都道中

還都道中三首

還都口號

還都至三山望石頭城

過銅山握黃精

日落望江贈荀丞

行樂至城東橋



卷六  
目錄  
答客

白雲

和王丞

秋夜二首

觀圃人藝植

詠採桑

詠雙鷺二首

發後渚

數詩

建除

從過舊宮

從拜陵登京峴

臨川王服竟置田里

卷六

行京口至竹里

登翻車峴

冬日

詠史



從庾中郎游園山石室

自礪山東望震澤

登雲陽九里埭

與伍侍郎別

吳興黃浦亭庾中郎別

送別王宣城

送從弟道秀別

贈傅都曹別

和太傅農與徐故別

送盛侍郎餞候亭

與荀中書別

喜雨

奉勅作

詠蕭史

贈故人馬子喬六首

採菱歌七首

山行見孤桐

卷七

見賣玉罷者

并序



從登香爐峰

夢歸鄉

從臨江王上荆初發新渚

望孤石

登黃鶴磯

岐陽守風

在江陵嘆年傷老

玩月城西門解中

代挽歌

夜聽妓

梅花落

古辭

可愛

夜聽聲

酒後

講易

王昭君

中興歌曲十首



吳歌三首

與謝尚書莊三連句

在荊州與張吏君李居士連句

月下登樓連句

字謎三首

卷八

擬行路難十八首

松栢篇 并序

侍宴覆舟山二首 勅為柳元景作

發廬山二首

發長松遇雪

蒜山被始興王命作

冬至

蜀四賢詩 詠

秋日示休上人

和王義興七夕

贈鮑侍郎 釋惠休

荅休上人



和王護軍秋夕

懷遠人

春羈

三日

苦雨

三日遊南苑

歲暮悲

園中秋散一作園中機散

詠秋

秋夕

望水

詠白雪

卷九

為柳令謝驃騎表

解褐謝侍郎表

謝稷陵令表時為中書舍人

謝賜藥啓

謝朓安令解禁止啓





論國制啓

謝上除啓

通世子自解

重與世子啓

謝假啓二首

侍郎上疏

謝解禁止

侍郎滿辭閣

轉常侍上疏

証北世子誕育上疏

謝隨恩被原表

皇孫誕育上疏

登大雷岸與妹書

卷十

河清頌 并序

佛影頌

凌烟樓銘 并序

藥奩銘



飛白書勢銘

後 瓜步山楬文

前 石帆銘

舊鈔目此石帆銘

鮑明遠集目錄 終



鮑明遠集卷第一

宋 上黨鮑照著  
明新安汪士賢校

舞鶴賦

散幽經以驗物偉胎化之仙禽鍾浮曠之藻質抱清  
迥之明心指蓬壺而翻翰望崑閬而揚音匝日域以  
迴驚窮天步而高尋踐神區其既遠積靈祀而方多  
精含丹而星耀頂凝紫而煙華引圓吭之纖婉頓修  
趾之洪婷疊霜毛而弄影振玉羽而臨霞朝戲於芝



田夕飲乎瑤池厭江海而游澤掩雲羅而見羈去帝  
鄉之岑寂歸人寰之喧卑歲崢嶸而催暮心惆悵而  
哀離於是窮陰殺節急景凋年涼沙振野箕風動天  
嚴嚴苦霧皎皎悲泉冰塞長河雪滿群山既而雲昏  
夜歇景物澄廓星翻漢回曉月將落感寒雞之早晨  
憐霜鴈之違漠臨驚風之蕭條對流光之照灼喚清  
響於丹墀舞飛容於金閣始連軒以鳳踏終宛轉而  
龍躡躑躅徘徊振迅騰摧驚身蓬集矯翅雪飛離網  
別赴合緒緒相依將興中止若往而歸颺沓矜顧遷延

遲暮逸翮後塵翺翺先路指會規翔臨岐矩步態有  
遺妍貌無停趣奔機逗節角睭分形長揚一作楊翹緩鷺  
並翼連聲輕迹凌亂浮影交橫衆變繁姿參差游密  
煙交霧凝若無毛質風去雨還不可談悉既散魂而  
盪目迷不知其所之忽星離而雲罷羅整神容而自持  
仰天居之崇絕更惆悵以驚思當是時也燕姬色沮  
巴童心耻巾拂兩停九劔雙止雖邯鄲其敢倫豈陽  
阿之能擬入衛國而乘軒出吳都而傾市守馴養於  
千齡結長悲於萬里



蕪城賦 登廣陵城作

灞池平原南馳蒼梧漲海北走紫塞鴈門施以漕渠  
 軸以崑崗重江復關之奧四會五達之莊當昔全盛  
 之時車掛韉人駕肩屢閉撲地歌吹沸天孽貨鹽田  
 鏹利銅山才力雄富士馬精妍故能侈秦法佚周令  
 割崇墉剗濬洫圖修世以休命是以板築雉堞之殷  
 井幹烽櫓之勤格高五嶽袤廣三墳崢若斷岸矗似  
 長雲製磁石以禦衝糊頽壤以飛文觀基扃之固護  
 將萬祀而一君出入三代五百餘載竟瓜剖而豆分

澤葵依井荒葛冒途壇羅虺蜮階鬪麇鼯木魅山鬼  
 野鼠城狐風嗥雨嘯昏見晨趨饑鷹厲吻寒鴟嚇雛  
 伏暴藏虎乳血餐膚崩榛塞路崢嶸古堠白楊早落  
 塞草前衰稜稜霜氣款款風威孤蓬自振驚沙坐飛  
 灌莽杳而無際叢薄紛其相依通池既已夷峻隅又  
 已頽直視千里外唯見起黃埃凝思寂聽心傷已摧  
 若夫藻扃黼帳歌堂舞閣之基璇淵碧樹弋林釣渚  
 之館吳蔡齊秦之聲魚龍爵馬之玩皆薰歇燼滅光  
 沈響絕東都妙姬南國麗人蕙心紈質玉貌絳唇莫



不埋魂幽石委骨窮塵豈憶同輦之愉樂離宮之苦  
辛哉天道如何吞恨者多抽琴命操爲蕪城之歌歌  
曰邊風起兮城上寒井徑滅兮丘隴殘千齡兮萬代  
共盡兮何言

芙蓉賦

感衣裳於楚賦詠憂思於陳詩訪群英之艷絕標高  
名於澤芝會春陂乎夕張舉芙蓉而水嬉抽我吟之  
桂蘭點子吻之瑜辭選群芳之徽號抱茲性之清芬  
稟若華之驚絕單蘆陽之妙手測澆池之光潔爍彤

輝之明媚粲雕霞之繁悅顧椒丘而非偶豈園桃而  
能埒彪炳以蒨藻翠景而紅波青房今規接紫的兮  
圓羅樹妖遙之弱幹散茵苔之輕荷上星光而倒影  
下龍鱗而隱波戲錦鱗而夕映曜繡羽以晨過結游  
童之湘吹起榜妾之江歌備日月之溫麗非盛明而  
謂何若乃當融風之暄盪承暑雨之平渥被瑤塘之  
周流繞金渠之屈曲排積霧而揚芬鏡洞泉而含綠  
葉折水以爲珠條集露而成玉潤蓬山之瓊膏輝菴  
河之銀燭冠五華於仙草超四照於靈木雜衆姿於



魚目混珠 卷一  
開卷閱群貌於昏明無長袖之容止信不笑之空城  
森紫葉以上擢紛湘蘂而不傾根雖割而瑄徹柯既  
解而絲縈感盛衰之可懷質始終而常清故其爲芳  
也綢繆其爲媚也奔發對粧則色姝比蘭則香越泛  
明綵於宵波飛澄華於曉月陋荆姬之朱顏笑夏女  
之光髮恨狎世而貽賤徒愛存而賞沒雖凌群以擅  
奇終從歲而零歇

遊思賦

雲徑兮海衝上潮兮送風秋水兮駕浦涼煙兮冒江

暮氣起兮遠岸黑陽精滅兮天際紅波沄沄兮無底  
山森森兮萬重平隄兮巨岬通川兮瀉壑仰盡兮天  
經俯窮兮地絡望波際兮曇曇曉雲間兮灼灼乃江  
南之斷山信海上之飛鶴指煙霞而問鄉窺林嶼而  
訪泊撫身事而識苦念親愛而知樂苦與樂其何言  
悼人生之長役捨堂宇之密親坐江潭而爲客對蕪  
葭之遂黃視零露之方白鴻晨驚以響湍泉夜下而  
鳴石結中洲之雲蘿託綿思於遙夕瞻荆吳之遠山  
望邯鄲之長陌塞風馳兮邊草飛胡沙起兮鴈揚翩

何山云窺宋今樓樓  
疑覽字



雖燕越之異心在禽鳥而同戚悵收情而投淚遣繁  
悲而自抑此日中其幾時彼月滿而將蝕生無患於  
不老奚引憂以自逼物因節以卷舒道與運而升息  
賤賣卜以當壚隱我耕而子織誠愛秦王之奇男不  
願絕筋而稱力已矣哉使豫章生而可知夫何異乎  
叢棘

飛蛾賦

仙鼠伺闇飛蛾候明均靈舛化詭欲齊生觀齊生而  
欲詭各會往以憑方凌焦煙之浮景赴熙歆之明光

拔身幽草下畢命在此堂本輕死以邀得雖縻爛其  
何傷豈學山南之文豹避雲霧而巖藏

鮑明遠集卷一

此寫在後半頁第二行



鮑明遠集卷第二

尺蠖賦

觀瀾賦

野鷲賦

傷逝賦

園葵賦

鮑明遠集卷第二

宋 上黨鮑照著  
明新安汪士賢校

尺蠖賦

智哉尺蠖觀機而作申非向厚屈非向薄當靜泉淅  
遇躁風驚起軒軀以曠跨伏累氣而併形冰炭弗觸  
鋒刃歷迂逢嶮蹙躋躋值夷舒步忌好退之見猜哀必  
進而為蠹每驤首以瞰途常佇景而飜露故身不豫  
託地無前期動靜必觀於物消息各隨乎時從方而

國家圖書館, NATIONAL CENTRAL LIBRARY, TAIWAN, R.O.C.



應何慮何思是以軍籌慕其權國容擬其變高賢圖之以隱淪智士以之而藏見笑靈蛇地之久蟄羞龍德之方戰理害道而爲尤事傷生而感賤苟見義而守勇豈專取於弦箭

觀漏賦

并序

客有觀於漏者退而歎曰夫及遠者箭也而定遠非箭之功爲生者我也而制生非我之情故自箭而爲心不可憑者絃因生以觀我不可恃者年憑其不可恃故以悲哉况乎沉華密遠輕波潛耗而感神嬰慮

者又自外而傷壽以是思生生亦勤矣乃爲賦云  
佩流歎於馳年纓華思於奔月結蘭茗以望楚弄參差以歌越撫疑肌於遷滯鑑雕容於髮髯景有墜而易昏憂無方而難歇塵攻階而升隕訪金壺之盈闕觀騰波之吞寫視驚箭之登沒箭旣沒而復登波長瀉而弗歸注沉穴而海漏射懸塗而電飛墜戶牖而知天掩雲霧而測暉創百齡於織隱積千里於空微彼崢嶸而行溢此冉冉而逾衰撫寸心而未改指分光而未違昔傷矢之奔禽聞虛弦之顛仆徒嬰刃而



知懼豈潛機之能覺惟生經之霍靡亦悲長而懼促  
恒證古而秉心抱空意其如玉波沉沉而東注日滔  
滔而西屬落繁馨於織草殞豐華於喬木對異離而  
後歌據窮蹊而方哭雖接薪之更傳寧絕明之還續  
貫古今而并念信寡易而多難時不留乎激矢生乃  
急於走丸既河源之莫壅又吹波而助瀾神休迥而  
多慮心軋轉而甚歡望天涯而佇念擢雄劍而長歎  
嗟生民之永迷躬與後而皆恤死零落而無二生差  
池之非一理幽分於化前筭冥定於天秩與艾骨而

招病猶剗腸而興疾情殊用而俱盡事離方而同失  
聊弭志以高歌順煙雨而沉逸於是隨秋鴻而汎渚  
逐春鷺而登梁進賦詩而展念退陳酒以排傷物不  
可以兩大得無得而雙昌薰晚華而後落穉早秀而  
前亡姑屏憂以愉思樂茲情於寸光從江河之紆直  
委天地之回方漏盈兮漏虛長無絕兮芬芳

野鵝賦 并序

有獻野鵝於臨川王世子愍其樊繫命爲之賦其辭

曰



集陳之隼以自遠而稱神栖漢之雀乃出幽而見珍  
此瓊禽其何取亦廁景而承仁捨水澤之驩逸對鍾  
鼓之悲辛豈徇利而輕命將感愛而投身入長羅之  
逼脅悵高繳之樊縈邈辭朋而別偶超煙鶩而風行  
跨日月以遙逝忽瞻國而望城踐菲迹於瑤塗昇弱  
羽於丹庭瞰東西之繡戶眺左右之金扇貌纖殺而  
含一作念悴心翻越而歎驚若墜而墮谷况不知其所  
寧惟君囿之珍麗實妙物之所殷翔海澤之輕鷗巢  
天宿之鳴鶉鷦程材於臬猛翬薦體之雕文既敷容

以照景亦避翮而排雲雖居物以成偶終在我以非  
群望征雲而延悼顧委翼而自傷無青雀之銜命之  
赤鴈之嘉祥空穢君之園池徒慙君之稻粱願引身  
而剪迹抱末志而幽藏於是流歲遂遠慘節方崇雲  
纏海岱風拂嶠潼飛雲一作雲馳霞飄沙舞蓬視清池  
之初涸望綠林之始空立菰蒲之寒渚託隻影而爲  
雙宛拔塚而掩背悲結悵而滿胃處朝晝而雖念假  
外見而遷排涉修夜之長寂信專思而知哀風梢梢  
而過樹月蒼蒼而照臺冰依岼而早結霜託草而先



摧斂雙翮於水裔翹孤趾於林隈情無方而雨集事有限而星乖在俄頃而猶悼矧窮生之所懷聞宿世之高賢澤無微而不均育草木而明義愛禽鳥而昭仁全殞卵而來鳳放乳麇而感麟雖陋生於萬物若沙漠之一塵苟全軀而畢命庶魂報以自申

傷逝賦

晨登南山望美美中阿露團秋槿風卷寒蘿悽愴傷心悲如之何盡若窮煙離若剪絃如影滅地猶星殞天棄華宇於明世閉金局於下泉永山河以自畢眇千

齡而弗旋思一言於向時邈衆代於古年逝稍遠而變體浸幽明而改時覽篇迹之如旦婉遺意而在茲忽若謂其不然自惆悵而驚疑循堂廡而下降歷幃戶而升基服委襟而襜帶器蒙管而緝絲志存業而遺績身先物而長辭豈直歎而可觀追前感之無期寒往暑來而不窮哀極樂反而有終燧已遷而禮革月既逾而慶通心微微而就遠跡離離而絕容白日藹而回陰閨館寂而深重冀憑靈於前物佇美目乎房櫳徒望思於永久邈歸來其何從結單心於暮條



掩行淚於晨風念沉悼而誰劇獨嬰哀於逝躬草忌  
霜而逼秋人惡老而逼衰誠衰耄之可忌或甘願而  
志違彼一息之短景乃累恨之長暉尋平生之好醜  
成黃塵之是非將滅耶而尚在何有去而無歸惟桃  
李之零落生有促而非夭觀龜鶴之于祀年能富而  
情少反靈質於二塗亂感悅於雙抱日月飄而不留  
命倏忽而誰保譬明隙之在梁如風露之停草髮迎  
憂而送華貌先悴而收藻其甘苦其幾人曾無得而  
借老拂埃琴而抽思啓陳書而遐討自古來而有之

夫何怨乎天道

園葵賦

風煖凌開土昌泉動游塵曝日鳴雉依隴王人拂黃  
冠拭藜杖布蔬種平圻壤通畦修直膏滋稟敞白莖  
紫蒂豚耳鳴掌溝東陌西行三畦兩既區既鋤乃露  
乃映勾萌欲伸藂牙將散爾乃晨露夕陰霏雲四委  
沉雷遠震飛雨輕灑徐未及晞疾而不靡柔莖爰秀  
剛甲以解稚葉萍布弱陰競抽萋萋翼翼沃沃油油  
下歲蕤而被逕上參差而覆疇承朝陽之麗景得傾



魚... 卷二  
柯之所投任非魯相有不拔之利賔非二仲無逸馬  
之憂顧董茶而莫偶豈蘋藻之薦羞若乃鄰老談稼  
女姬歸桑拂此葦席炊彼粳梁甃壺援醢曲瓢卷漿  
乃羹乃淪堆鼎盈筐旨旨舊脆柔滑芬芳消淋逐水  
潤胃調腸於是既飫徹盤投筋回小人之腹爲君子  
之慮近觀物運遠訪師聖聲數後彰律理前定烏非  
黔黑鶴豈浴淨彼圓行而方止固得之於天性伊冬  
筵而夏裘一作無雙功而並盛盪然任心樂道安命春風  
夕來秋且一作晨映獨酌南軒擁琴孤聽篇章間作

以歌以詠魚溪沉而鳥高飛孰知美色之爲正

鮑氏集卷第二 此寫在後半頁第十行





國家圖書館, NATIONAL CENTRAL LIBRARY, TAIWAN, R.O.C.





影宋每卷各有目錄  
即書卷第幾之後  
無摠目錄今二三卷  
已書式於前三卷以  
後上方不能盡書摠  
首一二字以影宋本  
頁數具每卷日有  
刻本在前可查

代東

代出

鮑明遠集卷第三

宋 上黨鮑照著

明新安汪士賢校

□□□代東武吟 題空四格下俱倣此

主人且勿誼賤子歌一言僕本寒鄉士出身蒙漢恩  
始隨張校尉召募到河源後逐李輕車追虜出塞垣  
密塗百萬里寧歲猶七奔肌力盡鞍甲心思歷涼溫  
將軍既下世部曲亦罕存時事一朝異孤續續一作憤誰  
復論少壯辭家去窮老還入門腰鎌刈葵藿倚杖牧



國家圖書館, NATIONAL CENTRAL LIBRARY, TAIWAN, R.O.C.

鮑明遠集卷第三



代結 代文 代苦 代白 代嵩 代放 代升 代別 代堆 代淮

代空 代鳴 代夜 代北 代春 代少 代陽 代胡 代寶

一頁

鷄豚昔如鞬上鷹今似檻中猿徒結千載恨空負百  
年怨棄席思君幄疲馬戀君軒願垂晉主惠不愧田  
子魂

代出自薊北門行

羽檄起邊亭烽火入咸陽徵師屯廣武公兵救朔方  
嚴秋筋竿勁虜陣精且彊天子按劍怒使者遙相望  
鴈行緣石徑魚貫渡飛梁簫鼓流漢思旌甲被胡霜  
疾風衝塞起沙礫自飄揚馬毛縮如蝟角弓不可張  
時危見臣節世亂識忠良投軀報明主身死為國殤

代結客少年場行

驄馬金絡頭錦帶佩吳鉤失意杯酒間白刃起相讎  
追兵一旦至負劍遠行遊去鄉三十載復得還舊丘  
昇高臨四關表裏均皇州九塗平若水雙闕似雲浮  
扶宮羅將相夾道列王侯日中市朝滿車馬若川流  
擊鍾陳鼎食方駕自相求今我獨何為培塿懷百憂

代東門行

傷禽惡弦驚一作驚弦倦客惡離聲離聲斷客情  
傷御背涕零涕零心斷絕將去復還訣二息不相知何况異

包月夜集卷之三

三頁



代邊 代門 代悲 代權 代邨 代陳 代陸 代白 代白

魚目混珠 卷三  
鄉別 遙遙征駕遠 杳杳白日晚 居人掩閨臥 行子夜  
中飯 野風吹秋木 行子心腸斷 食梅常苦酸 衣葛常  
苦寒 絲竹徒滿坐 憂人不解顏 長歌欲自慰 彌起長  
恨端

代苦熱行

赤坂橫西阻 火山赫南威 身熱頭且痛 鳥墜魂來歸  
湯泉發雲潭 焦煙起石圻 一作機 日月有恒昏 雨露未  
嘗晞 丹蛇踰百尺 玄蜂盈十圍 含沙射流影 吹蠱病  
行暉 瘴氣晝薰體 菌露夜濡衣 饑猿莫下食 晨禽不

敢飛毒涇尚多死 渡瀘寧具腓 生軀蹈死地 昌志登  
禍機 戈船榮既薄 伏波賞亦微 爵輕君尚惜 士重安  
可希

代白頭吟

直如朱絲繩 清如玉壺冰 何慙宿昔意 猜恨坐相仍  
人情賤恩舊 世議逐衰興 毫髮二為瑕 丘山不可勝  
食苗實碩鼠 點一作玷 白信蒼蠅 鳧遠成美薪 芻前  
見陵申黜 褒女進斑去 趙姬昇周王 日淪惑漢帝 益  
嗟稱心賞 猶難恃貌恭 豈易憑古來 共如此非君獨



撫膺

代蒿里行

同盡無貴賤殊願有窮申馳波催永夜零露逼短晨  
結我幽山駕去此滿堂親虛容遺劔佩實貌戢衣巾  
斗酒安可酌尺書誰復陳年代稍推遠懷抱日幽淪  
人生良自劇天道與何人齊我長恨意歸為狐兔塵

代放歌行

蓼蟲避菹堇習苦不言非小人自齷齪安知曠士懷  
雞鳴洛城裏禁門平日開冠蓋縱橫至車騎四方來

素帶曳長飊華纓結遠埃日中安能止鍾鳴猶未歸  
夷世不可逢賢君信愛才明慮自天斷不受外嫌猜  
一言分珪爵片善辭草萊豈伊白璧賜將起黃金臺  
今君有何疾臨路獨遲迴

代昇天行

家世宅關輔勝帶宦王城備聞十帝事委曲兩都情  
倦見物興衰驟觀俗屯平翩翩若回掌恍惚似朝榮  
窮途悔短計晚志重長生從師入遠嶽結友事仙靈  
五圖發金記九籀隱丹經風餐委松宿雲臥恣天行



冠霞登綵閣解玉飲椒庭  
蹀遊越萬里少別數千齡  
鳳臺無還駕簫管有遺聲  
何時與汝曹啄腐共吞腥

代別鶴操

滄

雙鶴俱起時徘徊蒼海間  
長弄若天漢輕軀似雲懸  
幽客時結侶提攜遊三山  
青繳凌瑤臺丹羅籠紫煙  
海上悲風急三山多雲霧  
散亂一相失驚孤不得住  
緬然日月馳遠矣絕音儀  
有願而不遂無怨以生離  
鹿鳴隱深草蟬鳴隱高枝  
心自有所存旁人那得知

代雉朝飛

雉朝飛振羽翼專場挾兩  
一本下恃彊力媒已驚鷙  
又逼蒿間潛穀盧矢直  
勿繡頸碎錦臆絕命君前無  
怨色握君手執杯酒意氣相傾死何有

代淮南王二首

淮南王好長生服食練氣  
讀仙經琉璃作梳牙作盤  
金鼎玉七合神丹神合神丹  
戲紫房紫房綵女弄明璫  
鸞歌鳳舞斷君腸朱城九門  
門九閨願逐明月入君懷  
入君懷結君佩怨君恨君恃  
君愛築城思堅劔思利同盛  
同衰莫相棄

宋本第一首斷君  
腸恰當末書朱城  
提行起為第二首



代空城雀

雀乳四穀空城之阿朝食野粟夕飲冰河高飛畏鷗  
鷲下飛畏網羅辛傷伊何言休迫良已多誠不及青  
鳥遠食玉山禾猶勝吳宮鷲無罪得焚窠賦命有厚  
薄長歎欲如何

代鳴鴈行

嗚嗚鳴鴈鳴始且齊行命侶入雲漢中夜相失群離  
亂留連徘徊不忍散憔悴容儀君不知辛苦風霜亦  
何為

代夜坐吟

冬夜沉沉夜坐吟令聲未發已知心霜入暮風度林  
朱燈滅朱顏尋體君歌逐君音不貴聲貴意深

代北風涼行

北風涼雨雪零京洛女兒多妍粧遙豔帷中自悲傷  
沉吟不語若有忘問君得行何當歸苦使妾坐自傷  
悲慮年至慮顏衰情易遠恨難追

代春日行

獻歲發吾將行春山茂春日明園中鳥多嘉聲梅始



發桃始青汎舟艦齊櫂驚奏採菱歌鹿鳴風微起波  
微生弦亦發酒亦傾入蓮池折桂枝芳神動芬葉披  
兩相思兩不知

代少年時至衰老行

憶昔少年時馳逐好名晨結友多貴門出入富兒隣  
綺羅艷華風車馬自揚塵歌唱青琴女彈箏燕趙人  
好酒多芳氣餽味厭時新今日每相念此事邈無因  
寄語後生子作樂當及春

代陽春登荆山行荆一作京

旦登荆山頭崎嶇道難游早行犯霜露苔滑不可留  
極眺入雲表窮目盡帝州方都列萬室層城帶高樓  
奕奕朱軒馳紛紛縹衣流日氣映山浦暄霧逐風收  
花木亂平原桑柘盈一作平疇攀條弄紫莖藉露折  
芳柔遇物雖成趣念者不解憂且共傾春酒長歌登  
山丘

代朗月行

朗月出東山照我綺窓前窓中多佳人被服妖且妍  
靚粧坐帳裏當戶弄清弦鬢奪衛女迅體絕飛燕先



魚... 卷三  
為君歌一曲當作朗月篇酒至顏自解聲和心亦宣  
千金何足重所存意氣間

代堂上歌行

四坐且莫誼聽我堂上歌昔仕京洛時高門臨長河  
出入重宮裏結友曹與何車馬相馳逐賓朋好容華  
陽春孟春月朝光散流霞輕步逐芳風言笑弄丹葩  
暉暉朱顏酡紛紛織女梭滿堂皆美人自我目成對湘娥  
雖謝待君閑粧帶綺羅箏笛更彈吹高唱好相和  
萬曲不關心一曲動情多欲知情厚薄更聽此聲過

九頁

代貧賤愁苦行

湮沒雖死悲貧苦卽生劇長歎至天曉愁苦窮日夕  
盛顏當少歇鬢髮先老白親友四面絕朋知斷三益  
空庭慙樹萱藥餌媿過客貧年忘日時黯顏就人惜  
俄頃不相酬慙怩面已赤或以一金恨便成百年隙  
心爲千條計事未見一獲運圯津塗塞遂轉死溝洫  
以此窮百年不知還窳窳

代邊居行

少年遠京一作陽遙遙萬里方陋巷絕人徑茅屋摧



魚目... 卷三  
山崗不覩車馬迹。但見麋鹿場。長松何落落。丘隴無  
復行。邊地無高木。蕭蕭多白楊。盛年日月盡。一去萬  
恨長。悠悠世中人。爭此錐刀忙。不憶貧賤時。富貴輒  
相忘。紛紛徒滿目。何關慨予傷。不如一畝中。高會挹  
清漿。遇樂便作樂。莫使候朝光。

代門有車馬客行

門有車馬客。問客何鄉士。捷步往相訊。果得舊鄰里。  
悽悽聲中情。慊慊增下理。一作語昔有故悲。論今無  
新喜。清晨相訪慰。日暮不能已。歡戚競尋緒。談調何

終止。辭端竟未究。一作忽唱分途始。前悲尚未弭。後感方  
復起。嘶聲盈我口。談言在君耳。手迹可傳心。願爾駕  
一作行李

代悲哉行

羈人感淑節。綠感欲回轍。我行詎幾時。華實驟舒結。  
覩實情有悲。瞻華意無悅。覽物懷同志。如何復乖別。  
翩翩翔禽羅。關關鳴鳥列。翔鳴尚疇偶。所歎獨乖絕。

代權歌行

羈客離嬰時。飄颻無定所。昔秋寓江介。茲春客河澣。



往戢于役身願言未懷楚泠泠儵疏潭邕邕鴈循渚  
颺戾長風振搖曳高帆舉驚波無留連舟人不躊躇

代邽街行

一本作去邪行

竚立出門衢遙望轉蓬飛蓬去舊根在連翩逝不歸  
念我捨鄉俗親好夕乖違慷慨懷長想惆悵戀音微  
人生隨時變遷化焉可祈百年難必果千慮易盈虧

代陳思王白馬篇

白馬駢角弓鳴鞭乘北風要途問邊急雜虜入雲中  
閉壁自往夏清野徑還冬僑裝多闕絕旅服少裁縫

埋身守漢節沉命對胡封薄暮塞雲起飛沙披遠松  
含悲望兩都楚歌登四墉丈夫設計誤懷恨逐邊戎  
罷別中國愛邀冀胡馬功去來今何道卑賤生所鍾  
但令塞上兒知我獨爲雄

代陳思王京洛篇

鳳樓十二重四戶八綺窓繡楠金蓮花桂柱玉盤龍  
珠簾無隔露羅幌不勝風寶帳三千所爲爾一朝容  
揚芬紫煙上垂綵綠雲中春吹回白日霜歌落塞鴻  
但懼秋塵起盛愛逐衰蓬坐視青苔滿卧對錦筵空



琴瑟縱橫散舞衣不復縫古來共歇薄君意豈獨濃  
唯見雙黃鵠千里一相從

代陸平原君子有所思行

西上登雀臺東下望雲闕層閣肅天居馳道直如髮  
繡甍結飛霞璇題納行月築山擬蓬壺穿池類溟渤  
選色遍齊岱徵聲匝邛越陳鍾陪夕譙笙歌待明發  
年貌不可還身意會盈歎蟻壤漏山阿絲淚毀金骨  
罷惡含滿歎物忌厚生沒智哉衆多士服理辨昭昧

代白紵曲二首

朱唇動素袖舉洛陽少童一作邯鄲女古稱綠水今  
白紵催絃急管爲君舞窮秋九月荷葉黃北風驅鴈  
天雨霜夜長酒多樂未央

春風澹蕩俠思多天色淨淥氣妍研和含桃紅萼蘭紫  
芽朝日灼爍發園華卷幌結帷羅玉筵齊謳秦吹盧  
女絃千金顧笑買芳年

代白紵舞歌詞四首

奉始興王  
作并啓

侍郎臣鮑照啓被教作白紵舞歌詞謹竭庸陋裁爲  
四曲附啓上呈識方渙悴思塗猥局言旣無雅聲未



能文不足以宣贊聖旨抽拔妙實謹遣簡餘慙隨悚  
盈謹啓

詞

吳刀楚製爲佩褱織羅霧縠垂羽衣含商咀徵歌露  
晞珠履颯沓紈袖飛淒風夏起素雲回車怠馬煩客  
忘歸蘭膏明燭承夜暉

桂宮栢寢擬天居朱爵文窓韜碧疏象牀瑤席鎮犀

渠雕屏合匝組帷帳一作舒秦箏趙瑟挾笙竿垂璫散

佩盈玉除停觴不御欲誰須

三星參差露霑濕絃悲管清月將入寒光蕭條候蟲

急荆王流歎楚妃泣紅顏難長時易戢凝華結綵久

延立非君之故豈安集

池中赤鯉庖所捐琴高乘去飛上天命逢福世丁溢

恩簪金藉綺昇曲筵恩厚德深委如山潔誠洗志期

暮年烏白馬角寧足言

鮑氏集卷第三

此寫在後半頁第七行





國家圖書館, NATIONAL CENTRAL LIBRARY, TAIWAN, R.O.C.





擬古  
擬青  
學劉  
擬阮  
學陶  
紹古  
幽蘭  
學古

鮑明遠集卷第四

采 上黨鮑照著

明新安汪士賢校

擬古八首

魯客事楚王懷金襲丹素既荷主人恩又蒙令尹顧  
日宴罷朝歸輿馬塞衢路宗黨生光輝宿僕遠傾慕  
富貴人所欲道得亦何懼南國有儒生迷方獨淪誤  
伐木清江湄設且守冕兔

十五諷詩書篇翰靡不通弱冠參多士飛步游秦宮

國家圖書館, NATIONAL CENTRAL LIBRARY, TAIWAN, R.O.C.



一作側觀君子論預見古人風兩說窮舌端五車摧  
筆鋒羞當白璧貶耻受聊城功晚節從世務乘障遠  
和戎解佩襲犀渠卷秦奉盧弓始願力不及安知今  
所終

幽并重騎射少年好馳逐羶帶佩雙鞬象弧插彫服  
獸肥春草短飛鞚越平陸朝遊鴈門上暮還樓煩宿  
石梁有餘勁驚雀無全目漢虜方未和邊城屢翻覆  
留我一白羽將以分符竹

鑿井北陵隈百丈不及泉生事本瀾漫何用獨精堅

幼壯重寸陰衰暮及經年放鷹息朝歌提爵止中山

日夕登城隅周迴視洛川街衢積凍草城郭宿寒煙

繁華悉何在宮闕久崩墟空謗齊景非徒稱夷貊

伊昔不治業倦遊觀五都海岱饒壯士蒙泗多宿儒

結髮起躍馬垂白對講書呼我升上席陳臠發瓢壺

管仲死已久墓在西北隅後面崔嵬者桓公舊塚廬

君來誠旣晚不覩崇明初玉琬徒見傳交友義蹠

東薪幽篁裏刈黍寒澗陰朔風傷我肌號鳥驚思心

歲暮井賦訖程課相追尋田租送函谷獸藁輸上林



魚... 卷...  
河渭冰未開關隴雪正深  
咎擊官有罰呵辱吏見侵  
不謂乘軒意杖屨還至今

河畔草未黃胡鴈已矯翼  
秋蛩扶戶吟寒婦成夜織  
去歲征人還流傳舊相識  
聞君上隴時東望又歎息  
宿昔改衣帶朝旦異容色  
念此憂如何夜長愁更多  
明鏡塵匣中寶琴生網羅

蜀漢多奇山仰望與雲平  
陰崖積夏雪陽谷散秋螢  
朝朝見雲歸夜夜聞猿鳴  
憂人本自悲孤客易傷情  
臨堂設樽酒留酌思平生  
石以堅為性君勿慙  
一作輕

素誠

擬青青陵上栢

涓涓亂江泉綿綿橫海煙  
浮生旅昭世空事歎華年  
書翰幸閑暇我酌子縈絃  
飛鏢出荆路驚服留秦川  
渭濱富皇居鱗館匝河山  
輿童唱秉椒權女歌采蓮  
孛愉鸞閣上窈窕鳳楹前  
娛生信非謬安用求多賢

學劉公幹體五首

欲宦乏王事結王遠恩私  
為身不為名散書徒滿帷  
連冰上冬月披雪拾園葵  
聖靈燭區外小臣良見遺

影宋中指字訣



曉曉寒野霧蒼蒼陰山栢樹<sup>樹</sup>迥霧縈集山寒野風急  
歲物盡淪傷孤貞<sup>貞</sup>爲誰立賴樹<sup>樹</sup>自能貞<sup>貞</sup>不計迹幽澁  
胡風吹朔雪千里渡龍山集君瑤臺上飛舞兩楹前  
茲晨自爲美當避艷陽天艷陽桃李節皎潔不成妍  
荷生淥泉中碧葉齊如規迴風蕩流霧珠水逐條垂  
彪炳此金塘藻耀君王池不愁世賞絕但畏盛明移  
白日正中時天下共明光北園有細草當晝正含霜  
乖榮頓如此何用獨芬芳抽琴爲爾歌絃斷不成章  
擬阮公夜中不能寐

漏分不能臥酌酒亂繁憂惠氣憑夜清素景綠隙流  
鳴鶴時一聞千里絕無儔佇立爲誰久寂寞空自愁

學陶彭澤體奉和王義興

長憂非生意短願不須多但使尊酒滿朋舊數相過  
秋風七八月清露潤綺羅提琴當戶坐歎息望天河  
保此無傾動寧復滯風波

紹古辭七首

橘生湘水側菲陋人莫傳逢君金華宴得在玉几前  
三川窮名利京洛富妖妍恩榮難久恃隆寵易衰偏



遠下影宋本空一字  
字接下音與云

觀席妾悽愴覩翰君泣然徒抱忠孝志猶爲葑菲  
昔與君別時蠶妾初獻絲何言年月駛寒衣已擣治  
絲繡多廢亂篇帛以塵縑離心壯爲劇飛念如懸旗  
石席我不爽德音君勿欺

瑟瑟涼海風竦竦寒山木紛紛羈思盈慊慊夜弦促  
訪言山海路千里歌別鶴絃絕空谷嗟形音誰賞錄  
辛苦異人狀美貌改如玉徒畜巧言鳥不解心賦  
孤鴻散江嶼連翩遵渚飛含嘶衡桂浦馳顧河朔畿  
攢攢勁秋木昭昭淨冬暉窓前滌歡爵帳裏縫舞衣

數曲下影宋本空一字  
一字接下孤鴻云

芳歲猶自可日夜望君歸

憑楹翫夜月迥眺出谷雲還山路已遠往海不及群

徘徊清淮汭顧慕廣江濱物情乖喜歇守操古難聞

三越豐少姿容態傾動君

開黛觀容一作顏臨鏡訪遙塗君子事河源彌祀闕

還書春風掃地起飛塵生綺疏文桂桂爲誰設羅帳空

卷舒不怨身孤寂但念星隱隅

暖歲節物早萬萌迎春達春風夜嬈娟春霧朝曛曛靄

軟蘭葉可采柔桑條易捋怨咽對風景悶瞽守閨闈



天賦愁民命含生但契闊憂來無行伍歷亂如覃葛

幽蘭五首

傾輝引暮色孤景留恩顏梅歇春欲罷期渡往不還  
簾委蘭蕙露帳含桃李風攬帶昔何道坐冷芳節終  
結佩徒分明抱梁輒乖忤華落知不終空愁坐相誤  
眇眇蛸掛網漠漠蠶弄絲空慙不自信怯與君畫期  
陳國鄭東門古今共所知長袖暫徘徊駟馬停路岐

學古

一作北風雪

北風十二月雪下如亂巾實是愁苦節惆悵憶

別一作

情親會得兩少妾同是洛陽人娥絲好媚目閑麗美  
腰身凝膚皎若雪明淨色如神驕愛生盼矚聲媚起  
朱唇衿服雜緹績首飾亂瓊珍調絃俱起舞爲我唱  
梁塵人生貴得意懷願待君申幸值嚴冬暮幽夜方  
未晨齊衾久兩設角枕已雙陳願君早休息留歌待  
三春







潯陽 還都 還都 過銅 日落 行樂 蒼客 白雲 和王

鮑明遠集卷第五

潯陽還都道中

果 上黨鮑照著  
明新安汪士賢校

昨夜宿南陵今日入蘆洲客行惜日月崩波不可留  
侵星赴早路畢景逐前儔鱗鱗夕雲起獵獵晚風適  
騰沙鬱黃霧翻浪揚白鷗登艫眺淮甸掩泣望荆流  
絕目盡平原時見遠煙浮倏忽坐還合俄思甚兼秋  
未嘗違戶庭安能千里遊誰令乏古節貽此越鄉憂



秋夜 觀圖 詠採 詠雙 發後 數詩 建除 從過 從拜 臨川

一頁

得陽

還都道中三首

悅懌遂還心 踴躍貪至勤 鳴鷄戒征路 暮息落日分  
急流騰飛沫 回風起江濱 孤獸啼夜侶 離鴻噪霜群  
物衰心交橫 聲切思紛紜 歎慨訴同旅 美人無聞  
風急訊灣浦 裝高偃檣舳 夕聽江上波 遠極千里目  
寒律驚窮蹊 爽氣起喬木 隱隱日沒岫 瑟瑟風發谷  
鳥還暮林誼 潮上冰結湫 夜分霜下淒 悲端出遙陸  
愁來攢人懷 羈心苦獨宿

又宦迷遠川 川廣每多懼 薄止閭邊亭 關歷險程路

二頁

宋齊閣下  
空一字接  
下風急云

霍靈冥隅岫 濛昧江上霧 時涼籟爭吹 流游浪奔趣

一作惻焉增愁起 搔首東南顧 茫然荒野中 舉目皆

凜素回風揚 江泌一寒傳 動樹太息終 晨漏企我歸

颯遇

還都口號

分壤蕃帝華 列正藹皇宮 禮讌及年暇 朝奏因歲通  
維舟歇金景 結棹俟昌風 鉦歌首寒物 歸吹踐開冬  
陰沉煙塞合 蕭瑟涼海空 馳霜急歸節 幽雲慘天容  
旌鼓貫玄塗 羽鷁被長江 君王遲京國 遊子思鄉邦

抱月遠集 卷五



恩世共渝洽身願兩扳逢勉哉河濟客勤爾尺波功  
還都至三山望石頭城

泉源安首流川末澄遠波晨光被水族曉氣歇林阿  
兩江皎平迥三山鬱駢羅南帆望越嶠北榜指齊河  
關扃繞天色襟帶抱尊華長城非壑嶮峻咀似荆芽  
攢樓貫白日摛堞隱丹霞征夫喜觀國遊子遲見家  
流連入京引躑躅望鄉歌彌前歎景促逾近勸路多  
借萃猶如茲弘易將謂何

遇銅山掘黃精

土肪閔中經水芝韜內策寶餌緩童年命藥駐衰曆  
矧蓄終古情重拾煙霧迹羊角棲斷雲榼口流隘石  
銅溪晝森沉乳竇夜涓滴旣類風門磴復象天井壁  
蹠蹠寒葉離濃濃秋水積松色隨野深月露依草白  
空守江海思豈愧梁鄭客得仁古無怨順道今何惜

日落望江贈荀丞

旅人乏愉樂薄暮增思深日落嶺雲歸延頸望江陰  
亂流瀼大壑長霧匝高林林際無窮極雲邊不可尋  
惟見獨飛鳥千里一揚音推其感物情則知遊子心



魚目混珠集卷五  
君居帝京內高會日揮金豈念慕群客咨嗟戀景沉

行樂至城東橋

鷄鳴關吏起伐鼓早通晨嚴車臨迥陌延瞰歷城闈  
蔓草緣高隅修楊夾廣津迅風首旦發平路塞飛塵  
擾擾遊宦子營營市井人懷金近從利撫劍遠辭親  
爭先萬里塗各事百年身開芳及稚節含綵吝驚春  
尊賢未照灼孤賤長隱淪容華坐銷歇端爲誰苦辛

答客

幽居屬有念含意未連詞會客從外來問君何所思

澄神自惆悵嘿慮久迴疑謂賓少安席方爲子陳之  
我以華門士負學謝前基愛賞好偏越放縱少矜持  
專求途性樂不計緝名期歡至獨斟酒憂來輒賦詩  
聲交一作稍希歇此意更堅滋浮生急馳電物道險  
絃絲深憂寡情謬進伏兩睽時願賜卜身要得免後  
賢嗤

白雲

探靈喜解骨測化善騰天情高不戀俗狀世樂尋仙  
鍊金宿明館屑玉止瑤淵鳳歌出林闕龍駕戾蓬山



凌崖采三露攀鴻戲五煙昭昭景臨霞湯湯風媚泉  
命娥雙月際要媛兩星間飛虹眺卷河汎霧弄輕絃  
笛聲謝廣賓神道不復傳一逐白雲去千齡猶未旋

和王丞

限生歸有窮長意一作憶無已年秋心日迫絕春思坐

連綿銜協曠古願斟酌高代賢迹迹俱浮海採藥共

還山夜聽橫石波朝望宿巖煙明澗子子公越飛蘿子子

縈牽性好必齊遂迹幽非妄傳滅志身世表藏名琴

酒間

秋夜二首

夜久膏既竭景啓明日未央環情倦始復空闌一作起晨裝

幸承天光轉曲影入幽堂徘徊集通隙宛轉燭迴梁

惟風自卷舒簾露視成行歲役急窮晏生慮備溫涼

絲紈夙染濯綿綿夜裁張冬雪旦夕至公子乏衣裳

華心愛零落非直惜容光願君翦衆念且共覆前觴

又

遁跡避紛喧負農棲寂寞荒徑馳野鼠空庭聚山雀

既遠人世歡還賴泉卉樂折柳樊場圃負綆汲潭壑



霽日見雲峰風夜聞海鶴江介早寒來白露先秋落  
麻龍方結葉瓜田已掃籜傾暉忽西下迴景思華幕  
攀蘿席中軒臨觴不能酌終古自多恨幽悲共淪鑠

觀圃人藝植

善賈笑蠶漁巧宦賤農牧遠養遍關市深利窮海陸  
乘輅實金羈當墟信珠服居無逸身伎安得坐梁肉  
徒承屬生幸政緩吏平陸春畦及耘藝秋場早芟築  
澤閤既繁高山營又登熟抱鋪壠上食結茅野中宿  
空織已尚淳寧知俗翻覆

詠採桑

季春梅始落工女事蠶作一本下有明鏡淨桂採桑  
淇洧間還戲上官閣早蒲時結陰晚篁初解籜藹藹  
霧灑閨融融景盈幕乳鷺逐草蟲巢蜂拾花萼是節  
最暄妍佳服又新爍綿歎對迴塗揚歌弄場藿抽琴  
試杼思薦珮果成託承君郢中美服義久心諾衛風  
古愉艷鄭俗舊浮薄靈願悲渡湘宓賦笑瀍洛盛明  
難重來淵意爲誰涸君其且調絃桂酒妾行酌

詠雙鷺二首



雙燕戲雲崖羽翰始差池出入南閨裏經過北堂階  
意欲巢君幕層楹不可窺沉吟芳歲晚徘徊韶景移  
悲歌辭舊愛銜淚覓新知

七頁

可憐雲中燕旦去暮來歸自知羽翅弱不與鵲爭飛  
寄聲謝飛鵠往事子毛衣瑣心誠貧薄叵吝節榮衰  
陰山饒苦霧危節多勁威豈但避霜雪當一作復傲野  
人機

祭後渚

江上氣早寒仲秋始霜雪從軍乏衣糧方冬與家別

影宋本無樹字

蕭條背鄉心悽愴清渚祭涼埃晦平臬飛潮隱修樾  
孤光獨徘徊空煙視鼻滅塗隨前峰遠意逐後雲結  
華志公馳年韶顏慘驚節推琴三起歎聲爲君斷絕

數詩

一身仕關西家族滿山東二年從車駕齋祭甘泉宮  
三朝國慶畢休沐還舊邦四牡輝長路輕蓋若飛鴻  
五侯相餞送高會集新豐六樂陳廣坐祖帳揚春風  
七盤起長袖庭下列歌鐘八珍盈雕俎綺肴紛錯重  
九族共瞻遲賓友仰徽容十載學無就善宦一朝通

八頁



建除

建旗出燉煌西討屬國羗除去徒與騎戰車羅萬箱  
滿山又填谷投鞍合營墻平原亘千里旗鼓轉相望  
定舍後未休候騎勅前裝執戟無暫頓彎弧不解張  
破滅西零國生虜郵支王危亂悉平蕩萬里置關梁  
成軍入玉門士女獻壺漿收功在一時歷世荷餘光  
開壤襲朱紱左右佩金章閉帷草太玄茲事殆愚狂

從過舊宮

肅裝屬雲旅奉鞠承木塗嚴恭履桑梓加敬覽粉榆

靈命蘊川瀆帝寶伏篇圖虎變由石紐龍翔自鼎湖  
功冠生民始道妙神器初宮陛留前一作制歌思溢  
今衢餘祥見雲物遺像存陶漁泉流信清泌原野實  
甘荼豈伊愛艷鄙天險兼上腴東秦邦北門非親誰  
克居仁聲日月懋惠澤雲雨敷盧令美何歇唐風久  
不渝微臣逢世慶征賦備人徒空費行葦德採束謝  
生芻

從拜陵登京峴

孟冬十月交殺盛陰欲終風烈無勁草寒甚有凋松



軍井冰晝結士馬羶夜重晨登峴山首霜雪凝未通  
息鞍循隴上支劔望雲峰表裏觀地嶮升降究天容  
東嶽覆如礪瀛海安足窮傷哉良永矣馳光不再中  
衰賤謝遠願疲老還舊邦深德竟何報徒令田陌空

臨川王服竟還田里

送舊禮有終事居慙懦薄稅注能朝衣歸志願巢壑  
尋思邈無報退命愧天爵捨耨將十齡還得守場藿  
道經盈竹筥農書滿塵閣愴愴秋風生戚戚寒緯作  
豐霧粲草華高月麗雲嶧屏跡勤躬稼衰疾倚芝藥

顧此謝人群豈直止商洛

鮑氏集卷第五

此寫在後半頁第七行





國家圖書館, NATIONAL CENTRAL LIBRARY, TAIWAN, R.O.C.



應印...  
一九五...

九



行京 登譙 冬日 詠史 從庾 自礪 登雲 與伍 吳興 送別

鮑明遠集卷第六

宋 上黨鮑照著

明新安汪士賢校

行京口至竹里

高柯危且竦，鋒石橫復仄。  
榎澗隱松聲，重崖伏雲色。  
水閉寒方壯，風動鳥傾翼。  
斯志逢凋嚴，孤遊值曠逼。  
兼塗無憇鞍，半菽不遑食。  
君子樹令名，細人効命力。  
不見長河水，清濁俱不息。

登礪車峴



送從 贈傳 和傳 送盛 與荀 喜雨 詠蕭 贈故 採菱 山行

一頁

高山絕雲霓深谷斷無光晝夜淪霧雨冬夏結寒霜  
淖坂既馬嶺磧路又羊腸畏塗疑旅人息轍覆行箱  
昇岑望原陸四眺極川梁遊子思故居離客遲新鄉  
新知有客慰追故遊子傷

冬日

巖風亂山起白日欲還次曛霧蔽窮天夕陰晦寒地  
煙霾有氛氲清光無明異風急野田空饑禽稍相棄  
含生共通閉懷賢敢為利天規苟平圓寧得已偏媚  
瀉海有歸潮衰容不還稚君今且安歌無念老方至

詠史

五都矜財雄三川養聲利白百金不市死明經有高位  
京城十二衢飛甍各鱗次仕子影華纓游客竦輕轡  
明星晨未晞軒蓋已雲至賓御紛颯沓鞍馬光照地  
寒暑在一時繁華及春媚君平獨寂寞身世兩相棄

從庾中郎遊園山石室

荒塗趣山楹雲崖隱靈一作虛室崗澗紛縈抱林障沓  
重密昏磴路深活活梁水疾幽隅秉晝燭地牖窺  
朝日怪石似龍章瑕璧麗錦質洞庭安可窮漏井終

二頁



不溢沉空絕景聲崩危坐驚慄神化豈有方妙象竟  
無迹至哉鍊玉人處此長自畢

自礪山東望震澤

瀾漫潭洞波合沓嶸嶂雲漲島遠不測崗澗近難分  
幽篁愁暮見思鳥傷夕聞以此藉沉痾棲迹別人群  
結言非盡書有念豈敷文

登雲陽九里埭

一作塚

宿心不復歸流年抱衰疾旣成雲兩人悲緒終不一  
徒憶江南聲空錄齊后瑟方絕繁絃思豈見繞梁日

三頁

與伍侍郎別

民生如野鹿知愛不知命飲斃具攢聚翹陸歛驚迸  
傷我慕類心感爾食革性漫漫鄢郢塗渺渺淮海逕  
予無金石質吾有犬馬病憂樂安可言離會孰能定  
欽哉慎所宜砥德乃爲盛貧游不可忘久交念敦敬

吳興黃浦亭庾中郎別

風起洲渚寒雲上日無輝連山眇烟霧長波迫難依  
旅鴈方南過浮客未西歸已經江海別復與親眷違  
奔景易有窮離袖安可揮懽觴爲悲酌歌服成泣衣



温念終不渝藻志遠存追役人多牽滯顧路慙奮飛  
昧心附遠翰烟言藏佩韋

送別王宣城

發郢流楚思涉淇興衛情既逢青春獻復值白蘋生  
廣望周千里江郊藹微明舉爵自惆悵歌管爲誰清  
頽陰騰前藻淮陽流昔聲樹道慕高華屬路佇深馨

送從弟道秀別

參差生密念躑躅行思疑疑疑一思戀光景密念盈  
一作彌歲時歲時多阻折光景之安怡以此苦風情日

夜驚懸旗登山臨朝日揚袂別所思浸淫且潮廣瀾  
漫宿雲滋天陰懼先發路遠常早辭篇詩後相憶杯  
酒今無持游子苦行役冀會非遠期

贈傅都曹別

輕鴻戲江潭孤鴈集洲沚邂逅兩相親緣念共無已  
風雨好東西一隔頓萬里追憶栖宿時聲容滿心耳  
落日川渚寒愁雲繞天起短翮不能翔徘徊烟霧裏

和傅大農與僚故別

絕節無緩響傷鴈有哀音非同年歲意誰共別離心



伊昔謬通塗冠屣預人林浮江望南嶽登潮窺海陰  
孰謂游居淺慕美久相深萋萋春草秀嚶嚶喜候禽  
辰物盡明茂尊盛獨幽沉之子安所適我方栖舊岑  
墜歡豈更接明愛邈難尋

送盛侍郎餞候亭

霜霜襲冠帶驅駕越城闔北臨出塞道南望入鄉津  
高墉宿寒霧平野起秋塵君爲坐堂子我乃負羈人  
欣悲豈等志甘苦誠異身結睇園中草憔悴悲此春  
與荀中書別

勞舟厭長浪疲旆倦行風連翩感孤志契闊傷賤躬  
親交篤離愛眷戀置酒終敷文勉征念發藻慰愁容  
思君吟涉洧撫已謠渡江慙無黃鶴翅安得久相從  
願遂宿知意不使舊山空

喜雨奉勅

營社達群陰屯雲拊積陽河井起龍蒸日魄斂遊光  
族雲飛泉室震風沉羽鄉升雲浹地維傾潤瀉天潢  
平灑周海嶽曲潦溢川莊驚雷鳴桂渚迴洧流玉堂  
珍木抽翠條炎卉擢朱芳關市欣九賦京廩開萬箱



無謝堯爲君何用知栢竇

詠蕭史

蕭史愛少年羸女羞童顏火粒願排棄霞霧好登攀  
龍飛送天路鳳起出秦關身去長不返簫聲時往還

六頁

贈故人馬子喬六首

躑躅城上羊攀隅食玄草俱共日月輝昏明獨何早  
夕風飄野籜飛塵被長道親愛難重見懷憂坐空老

其二

寒灰滅更燃夕華晨更鮮春冰雖暫解冬水復還堅

佳人捨我去賞愛長絕緣歡至不留日感物輒傷年

其三

松生隴坂上百尺下無枝東南望河尾西北隱崑崖  
野風振山籟朋鳥夜驚離悲涼貫年節念翠恒若斯  
安得草木心不怨寒暑移

其四

種橘南池上種杏北池中池北旣少露池南又多風  
早寒逼晚歲衰恨滿秋容湘濱有靈鳥其字曰鳴鴻  
一挹繒繳痛長別遠無雙

舊抄



其五

皎如川上鵠，赫似握中丹。宿心誰不欺，明白古所難。  
憑檻觀皓露，灑酒盪憂顏。永念平生意，窮光不忍還。  
淹留徒攀桂，延佇空結蘭。

其六

雙劍將離別，先在匣中鳴。煙雨交將夕，從此忽分形。  
雌沉吳江裏，雄飛入楚城。吳江深無底，楚闕有崇扃。  
一爲天地別，豈直限幽明。神物終不隔，千祀儻還并。  
採菱歌七首

鷺舫馳桂浦，息棹偃椒潭。簫弄澄湘北，菱歌清漢南。

又

弭榜塞蕙蕙，停唱紉薰若。令傷拾泉花，繁念採雲萼。

又

睽闊逢暄新，悽怨值妍華。秋心不可盪，春思亂如麻。

又

要艷雙嶼裏，均美兩洲間。裊裊風出浦，容容日向山。

又

煙暗越嶂深，箭迅楚江急。空抱琴中悲，徒望近關泣。



緘歎凌珠淵收慨上金堤春芳行歇落是入方未齊

又

思今懷近憶望古懷遠識懷古復懷今長懷終無極

山行見孤桐

桐生藁石裏根孤地寒陰上倚崩峰勢下帶洞阿深  
奔泉冬激射霧雨夏霖滂未霜葉已肅不風條自吟  
昏明積苦思晝夜叫哀禽葉妾望掩淚逐臣對撫心  
雖以慰單危悲涼不可任幸願見雕斲為君堂上琴

鮑明遠集卷第六

終此寓在後半頁第六行





見賣  
從登  
夢歸  
從臨  
望孤  
登黃  
岐陽  
在江  
翫月  
代挽

鮑明遠集卷第七

果 上黨鮑照著

明新安汪士賢校

見賣玉器者 并序

見賣玉器者，或人欲買，疑其是珉，不肖成市，聊作此詩以戲買者。

涇渭不可雜，珉玉當早分。子實舊楚客，蒙俗謬前聞。安知理孚采，豈識質明溫。我方歷上國，從洛入函轅。揚光十貴室，馳譽四豪門。竒聲振朝邑，高價服鄉村。



夜聽

梅花

古辭

可愛

夜聽

酒後

講易

王昭

中興

吳歌

與謝

在荆

月下

字謎

寧能與爾曹瑜瑕稍辨論

從登香爐峯

辭宗盛荆夢登高羨見繹徒收杞梓饒曾非羽人宅  
羅景藹雲局沾光扈龍策御風親列涂乘山窮禹迹  
含嘯對霧岑延蘿倚峯壁青冥搖煙樹穹跨負天石  
霜崖滅土膏金澗測泉脉旋淵抱星漢乳竇通海碧  
谷館駕鴻人巖樓咀丹客殊物藏珍怪奇心隱仙籍  
高世伏音華綿古遁精魄簫瑟在哀聽參差遠驚覲  
慙無獻賦才洗汗奉毫帛

夢歸鄉

銜淚出郭門撫劒無人遠沙風暗空起離心眷鄉畿  
夜分就孤枕夢想慙言歸孀婦當戶歎搔絲復鳴機  
慙款論久別相將還綺闥歷歷簷下涼隴隴帳裏輝  
川蘭爭芬芳採菊競葳蕤開奩奪香蘇探袖解纓徽  
夢中長路近覺後大江遠驚起空歎息恍惚神魂飛  
白水漫浩浩高山壯巍巍波瀾異往復風雲改榮衰  
此土非吾土慷慨當告誰

從臨海王上荆初發新渚



客行有苦樂但問客何行  
板龍不待翼附驥絕塵冥  
梁珪分楚牧羽鷁指金荆  
雲艫掩江汜千里被連旌  
戾戾旦風道嘈嘈晨鼓鳴  
收纜辭帝郊揚棹發皇京  
狐兔懷窟志犬馬戀主情  
撫襟同太息相顧俱涕零  
奉役塗未啓思歸思已盈

望孤石

江南多暖谷雜樹茂樹寒峯朱華抱  
白雪陽條熙朔風  
蚌節流綺藻輝石亂煙虹泄雲去無極  
馳波往不窮  
嘯歌清瀟畢徘徊朝景終浮生會當幾  
歡酌每盈衰

登黃鶴磯

木落江渡寒鴈還風送秋臨流斷商絃  
瞰川悲棹謳  
適郢無東轅還夏有西浮三崖隱丹磴  
九派引滄流  
淚竹感湘別弄珠懷漢遊豈伊藥餌  
忝得奪旅人憂

岐陽守風

差池玉繩高掩映一作瑤井沒廣岸  
屯宿陰懸崖棲  
歸月役人喜先馳軍令申早發洲迥  
風正悲江寒霧  
未歇飛雲日東西別鶴方楚越塵衣  
孰揮澣蓬思亂  
光髮



在江陵歎年傷老

五難未易夷三命戒淵抱方瞳起松髓頰髮疑桂腦  
後生良自休大患安足保開簾窺景夕備屬雲物好  
翾翾燕弄風嫋嫋柳垂道池瀆亂蘋萍園陵美花草  
節如驚灰異零落就衰老

玩月城西門解中

始見西南樓纖纖如玉鈎未映東北墀娟娟似娥眉  
娥眉救珠櫳玉鈎隔瑣窓三五二八時千里與君同  
夜移衡漢落徘徊入戶中歸華先委露別葉早辭風

客遊厭苦辛仕子倦飄塵休澣自公日宴慰及私辰  
蜀琴抽白雪郢曲發陽春肴乾酒未闕金壺啓夕淪  
迴軒駐輕蓋留酌待情人

代挽歌

獨處重冥下憶昔登高臺傲哢平生中不爲物所裁  
塹門只復閉白蟻相將來生時芳蘭體小蟲今爲災  
玄鬢無復根骷髏依青苔憶昔好飲酒素盤進青梅  
彭韓及廉藺疇昔已成灰壯士皆死盡餘人安在哉

夜聽妓二首



魚... 卷七  
四  
夜來坐幾時銀漢傾露落澄滄入閨景歲蕤被園藿  
絲管感暮情哀音遶梁作芳盛不可恒及歲共爲樂  
天明坐當散琴酒駛弦酌  
蘭膏消耗夜轉多亂筵雜坐更絃歌傾情逐節寧不  
苦特爲盛年惜容華

梅花落

中庭雜樹多偏爲梅咨嗟問君何獨然念其霜中能  
作花露中能作實搖蕩春風媚春日念爾零落逐寒  
風徒有霜華無霜質

古詞

容華不待年何爲客遊梁九月寒陰合悲風斷君腸  
歎息空房婦幽思坐自傷勞心結遠路惆悵獨未央  
可愛

風帷閃<sup>關</sup>珠帶月幌垂霧羅魏粲縫秋裳趙豔習春歌  
夜聽聲

辭鄉不覺遠歡寡憂自繁何用慰秋望清燭視夜翻  
酒後

晨節無兩淹年意不俱處自非羽酌歡何用慰愁旅



講易

雲澤翔羽姬橫益益招益逸人肯園無金尚履道易書紳

王昭君

既事轉蓬遠心隨鴈路絕霜鞞鞞旦夕驚邊笳中夜咽

中興歌十首

千冬遲遲一春萬夜見朝日生平值中興歡起百憂畢

又

中興太平運化清四海樂祥景照玉臺紫煙遊鳳閣

又

碧樓舍夜月紫殿爭朝光綵墀散蘭麝風起自生芳

又

白日照前窓玲瓏綺羅中美人掩輕扇含思歌春風

又

三五容色滿四五妙華歇已輸春日歡公隨秋光沒

又

北出湖邊戲前還苑中遊飛縠繞長松馳管逐波流

又

九月秋水清三月春花滋千金逐良日皆競中興時



又

窮泰已有分壽夭復屬天既見中興樂莫持憂自煎

又

襄陽是卜地壽陽非帝城今日中興樂遙治在上京

又

梅花一時艷竹葉千年色願君松柏心採照無窮極

吳歌二首

夏口樊城岸曹公却月樓觀見流水還識是儂淚流

又

夏口樊城岸曹公却月戍但觀流水還誰是儂流下

又

人言荆江狹荆江定自濶五兩子無聞風聲那得達

與謝尚書莊三連句

霞輝兮澗朗日靜兮川澄風輕桃欲開露重蘭未勝

水光溢兮松霧動山煙疊兮石露凝晻映晨物綵連

綿夕羽興

在荊州與張史君李居士連句

橋磴支古轍篁路拂輕鞍三尹無喜色一適或垂竿



月下登樓連句

髮髻<sup>髻</sup>蘿<sup>蘿</sup>月光續紛<sup>紛</sup>箕霧陰樂來亂憂念酒至歇憂心  
鮑博士<sup>鮑</sup>露入覺牖<sup>牖</sup>高勞<sup>勞</sup>深測苑深清氣澄永夜流吹  
不可臨<sup>王延秀</sup>密峯集浮碧踈瀾道瀛潏嗽玉延幽  
性板桂藉知音<sup>荀原之</sup>辰意事淪晦良歡戒勿侵昭  
景有遺<sup>遺</sup>駟孤賈無留金<sup>荀中書萬秋</sup>

字謎三首

二形二體四支八頭四八二八飛泉仰流<sup>卅</sup>

又

頭如刀尾如鉤中央橫廣四角六抽右面負兩刀左  
邊雙屬牛<sup>龜</sup>

又

乾之一九隻立無偶坤之二六宛然雙宿<sup>玉</sup>

鮑氏集卷第七 此寫在後身半第二行



擬行 松柏 侍宴 登廬 發長 蒜山 冬立 蜀四 秋日 和王

鮑明遠集卷第八

擬行路難十八首

采 上黨鮑照著  
明新安汪士賢校

奉君金卮之美酒。瑋玉匣之雕琴。七綵芙蓉之羽  
帳。九華蒲萄之錦衾。紅顏零落歲將暮。寒光宛轉時  
欲沉。願君裁悲且減思。聽我抵節行路吟。不見柏梁  
銅雀上。寧聞古時清吹音。

洛陽名工鑄為金博山。千斲復萬鏤。上刻秦女攜手

國家圖書館 NATIONAL CENTRAL LIBRARY, TAIWAN, R.O.C.





贈鮑

荅休

和王

懷遠

春羈

三日

苦雨

三日

歲暮

園中

詠秋

秋夕

望水

詠白

仙承君清夜之歡娛。列置幃裏明燭前。外發龍鱗之  
丹綵。內含麝芬之紫煙。如今君心一朝異。對此長歎  
終百年。

璇閨玉墀上椒閣。文窓繡戶垂羅幕。中有二人字金  
蘭。被服纖羅采芳藿。春燕差池風散梅。開幃對景弄  
春爵。含歌攬涕怕抱愁。人生幾時得為樂。寧作野中  
之雙鳧。不願雲間之別鶴。

馮水置平地。各自東西南北流。人生亦有命。安能行  
歎復坐愁。酌酒以自寬。舉杯斷絕歌路難。心非木石

豈無感。吞聲躑躅不敢言。

君不見河邊草。冬時枯死春滿道。君不見城上日。今  
暝沒盡去。明朝復更出。今我何時當得然。一去永滅  
入黃泉。人生苦多歡樂少。意氣敷腴在盛年。且願得  
志數相就。牀頭恒有沽酒錢。功名竹帛非我事。存亡  
貴賤付皇天。

對案不能食。拔劍擊柱長歎息。丈夫生世曾幾時。安  
能蹀躞垂羽翼。棄置罷官去。還家自休息。朝出與親  
辭。暮還在親側。弄兒牀前戲。看婦機中織。自古聖賢



盡貧賤何況我輩孤且直

愁思忽而至跨馬出北門舉頭四顧望但見松栢園

荆棘鬱蹲蹲集作樽樽中有一鳥名杜鵑言是古時蜀帝

魂聲音哀苦鳴不息羽毛憔悴似人髣飛走樹間啄

集作逐蟲蟻豈憶往日天子尊念此死生變化非常理

中心惻愴不能言

中庭五株桃一株先作花陽春妖冶妖若二三月從風簸

蕩落西家西家思婦見悲惋零淚霑衣撫心歎初送

我君出戶時何言淹留節迴換牀席生塵明鏡垢織

腰瘦削髮蓬亂人生不得恒稱意惆悵徒倚至夜半

劉蘗染黃絲黃絲歷亂不可治我昔與君始相值爾

時自謂可君意結帶與君言死生好惡不相置一作結帶

與君同死生好惡不疑相棄置今日見我顏色衰意中索寞一作索寞與

先異還君金玉一作釵玳瑁簪不忍見之益愁思

君不見舜華不終朝須臾淹冉零落銷盛年妖艷浮

華輩不久亦當詣塚頭一去無還期千秋萬歲無音

詞孤魂竽竽空隴間獨魄徘徊遶墳基但聞風聲野

鳥吟豈憶平生盛年時為此令人多悲悵君當縱意



自慰怡

君不見枯籜走階庭。何時復青著。故莖君不見。亡靈蒙享祀。何時傾杯竭壺罌。君當見此。起憂思。寧及得與時人爭。人生倏忽如絕電。華年盛德幾時見。但令縱意存高尚。旨酒佳肴相胥讌。持此從朝竟夕暮。差得<sup>忘</sup>正憂消愁怖。胡爲惆悵不能已。難盡此曲令君忤。

今年陽初花滿林。明年冬末雪盈岑。推移代謝紛交轉。我君邊戍獨稽沉。執袂分別已三載。邇來寂淹無分音。朝悲慘慘遂成滴。暮思遶遶最傷心。膏沐芳餘

久不御蓬首。亂鬢不設簪。徒飛輕埃舞空帷。粉黛黛罷靡復遺。自生留世苦。不幸心中惕。惕恒懷悲。

春禽啾啾且暮鳴。最傷君子憂思情。我初辭家從軍。僑榮志溢氣十雲霄。流浪漸卅經三齡。忽有白髮素髭生。今暮臨水拔已盡。明日對鏡復已盈。但恐羈囚爲鬼客。客思寄滅生空精。每懷舊鄉野念我舊人多。悲聲忽見過客問。何我寧知我家在南城。答云我曾居君鄉。知君遊宦在此城。我行離邑已萬里。今方羈役去。遠征來時聞君婦。閨中孀居獨宿有貞名。亦云



朝悲泣閑房又聞暮思淚霑裳形容憔悴非昔悅蓬  
鬢衰顏不復粧見此令人有餘悲當願君懷石暫忘  
君不見少壯從軍去白首流離不得還故鄉宵宵日  
夜隔音塵斷絕阻河關朔風蕭條白雲飛胡笳哀極  
邊氣寒聽此愁人兮奈何登山遠望得留顏將死胡  
馬跡能見妻子難男兒生世輾軻欲何道綿憂摧抑  
起長歎

君不見栢梁臺今日丘墟生草萊君不見阿房宮寒  
雲澤雉栖其中歌妓舞女今誰在高墳田田纍纍田田滿山隅

長袖紛紛徒競世非我昔時千金軀隨酒逐樂任意  
去莫令含歎下黃墟

君不見冰上霜表裏陰且寒雖蒙朝日照信得幾時  
安民生故如此誰令摧折強相看去年來自如削  
白髮零落不勝冠

君不見春鳥初至時百草含青俱作花寒風蕭索一  
旦至竟得幾時保光華日月流邁不相饒令我愁思  
怨恨多

諸君莫歎貧富貴不由人丈夫四十疆而仕餘余當二



十弱冠辰莫言草木委冬雪會應蘇息遇陽春對酒  
叙長篇窮途運命委皇天但願樽中九醞滿莫惜林  
頭百箇錢直得優游卒一歲何勞辛苦事百年

松柏篇

并序

余患瀉上氣四十餘日知舊先借傅玄集以余病劇  
遂見還開袞適見樂府詩龜鶴篇於危病中見長逝  
詞惻然酸懷抱如此重病彌時不差呼吸乏喘舉目  
悲矣火藥間缺而擬之

松柏受命獨歷代長不衰人生浮且脆鷓若晨風悲

東海迸逝川西山道落暉南郭悅籍短蒿里收未歸  
諒無疇昔時百病起盡期志士惜牛刀忍勉自療治  
傾家行藥事顛沛去迎醫徒備火石苦奄至不得辭  
龜齡安可獲岱宗限已迫睿聖不得留爲善何所益  
捨此赤縣居就彼黃墟宅未離九原親長與三辰隔  
屬纊生望盡闔棺世業埋事痛存人心恨結亡者懷  
祖葬既云及壙隧亦已開室族內外哭親疎同共哀  
外姻遠近至名列通夜臺扶輿出殯宮低回戀庭室  
天地有盡期我去無還日居者今已盡人事從此畢



火歇烟旣沒形消聲亦滅鬼神來依我生人未辭訣  
大暮杳悠悠長夜無時節鬱酒重冥下煩冤難具說  
安寢委沉寔戀戀念平生事業有餘結刊述未及成  
資儲無擔石兒女皆孩嬰一朝放捨去萬恨纏我情  
追憶世上事束教已百拘明發靡怡愈夕歸多憂虞  
輟聞晨逕荒撤宴式酒濡知今暝日苦恨失爾時娛  
遙遙遠民居獨埋深壤中墓前人跡滅塚上草日豐  
空林響鳴蜩高松結悲風長寐無覺期誰知逝者窮  
生存處交廣連榻舒華茵已沒一何苦楛哉不容身

昔日平居時晨夕對六親今日掩柩何一見無諸因  
禮席有降殺三齡速過隙几筵就收撤室宇改疇昔  
行女遊歸途仕子復王役家世本平常獨有亡者劇  
時祀望歸來四節靜坐丘孝子撫墳號父兮知來不  
欲還心依戀欲見絕無由煩冤荒隴側肝心盡崩抽

侍宴覆舟山二首

勅爲柳元景作

息雨清上郊開雲照中縣遊軒越丹居暉獨集涼殿  
凌高躋飛楹追焱起流宴扞苑含靈群品庭藏物變  
明暉爍神都麗氣冠華甸日遠幽情周醴洽深恩遍



繁霜飛玉闥愛景麗皇州清蹕戒馳路羽蓋佇宣遊  
神居既崇盛崑嶮信環周禮俗陶德聲昌會溢民謳  
慙無勝化質謬從雲雨浮遊作

登廬山二首

懸裝亂水區薄旅次山楹千岩盛阻積萬壑勢廻縈  
巖從高昔貌紛純襲前名洞澗窺地脉聳樹隱天經  
松磴上迷密雲竇下縱橫陰冰實夏結炎樹信冬榮  
嘈噴晨鷗思叫嘯夜猿清深崖伏化迹穹岫闕長靈

乘此樂山性重以遠遊情方躋羽人途永與煙霧并

又藝文類聚作登廬山望石門

訪世失隱淪從山異靈士明發振雲冠升嶠遠棲趾  
高岑隔半天長崖斷千里氛霧承星辰潭壑洞江汜  
蘄絕類虎牙嶺岼象熊耳埋米或百年樹樹必千祀  
鷄鳴清澗中猿嘯白雲裏瑤波逐穴開霞石觸峯起  
廻互非一形參差悉相似傾聽鳳管賓紆望釣龍子  
松桂盈膝前如何穢城市

發長松遇雪



土牛既送寒奠陵一作方決馳振風搖地局封雪蒲  
空枝江渠合為陸天野浩無涯飲泉凍馬骨斲水傷  
役疲昆明豈不慘黍谷寧可吹

蒜山被始興王命作

暮冬霜朔嚴地閉泉不流玄武藏木陰丹鳥一作還  
養羞勞農澤既周役車時亦休高薄符一作好菁一作  
清藻駕及時遊鹿苑豈淹睇兔園不足留升嶠眺日  
軌臨迴望滄洲雲生玉堂裏風靡銀臺陬陂石類星  
懸嶼木似烟浮形勝信天府珍寶麗皇州白日迴清

景芳豔洽歡柔參差出寒吹飈戾江上謳王德愛文  
雅飛瀚灑鳴球美哉物會昌衣道服光猷

冬至

舟遷莊甚笑水流孔急難景移風度改日至晷迴換  
眇眇負霜鶴皎皎帶霜鴈長河結欄紆珎層冰如玉岸  
哀哀古老容慘顏愁歲晏催促時節過逼迫聚離散  
美人還未爽鳴箏誰與彈

蜀四賢詠

司馬相如 嚴君平  
王褒 楊雄

渤渚水浴鳧春山玉抵鵲皇漢方盛明群龍滿階閣



君平因世閑得還守寂寞閉簾注道德開卦述天爵  
相如達生旨能屯復能躍陵令無人事毫墨時灑落  
褒氣有逸倫雅績信炳博如令聖納賢金璫易羈絡  
良遮神明遊豈伊覃思作玄經不期賞重驟蒙憂散樂  
首路或參差投駕均遠托身表既非我生內任一作甚  
豐薄

秋日示休上人

枯桑葉易零疲客心易驚今茲亦何早已聞絡緯鳴  
迴風滅且起卷蓬息復征愴愴藟上寒悽悽悵裏清

物色延暮思霜露逼朝榮臨堂觀秋草東西均楚城  
百物方蕭瑟坐歎從此生

和王義興七夕

宵月向掩扉夜霧方當白寒機思孀婦秋堂泣征客  
匹命無單年偶影有雙夕暫交金石心須更雲雨隔

贈鮑侍郎

釋惠休

玳枝兮金英綠葉兮紫莖不入君玉杯低彩還自榮  
想君不相艷酒上視塵生當令芳意重無使盛年傾

答休上人



酒出野田稻菊生高岡草味貌復何奇能令君傾倒  
玉腕徒自羞為君愧此秋金蓋覆牙柝何為心獨愁

和王護軍秋夕

散漫秋雲遠蕭蕭露月寒驚聽西北起孤鴈夜往還  
開軒當戶牖取琴試一彈停歌不能和終曲久辛酸  
金氣方勁殺隆陽微且單泉涸其井竭節徙芳歲殘  
生事各多少誰共知易難投章心蘊結千里途輕純  
願託孤老暇觴思暫開餐

懷遠人

哀樂生有端離會起無因去事難重念恍惚似如神  
屬期眇起遠後遇邈無辰馳風掃遙路輕蘿含夕塵  
思君成首疾欲息眉不伸

春羈

征人歎道遐去鄉悵路邇佳期每無從淮陽非尺咫  
春日起遊心勞情出徙倚岫遠雲烟綿谷屈泉靡迤  
風起花四散露濃條<sub>詩</sub>暄妍正在茲摧抑多嗟思  
嘶聲名邊堅豈我箱中紙染翰餉君琴新聲憶解子

三日



氣暄動思心柳青起春懷時艷憐花藥服淨俛登臺  
提觴野中飲愛心煙未開露色染春草泉源潔冰苔  
泥泥濡露條嫋嫋承風裁鳧雛撥苦齋黃鳥銜櫻梅  
解衿欣景預臨流競覆杯美人竟何在浮心空自摧  
苦雨  
連陰積澆灌滂沱下霖亂沉雲日夕昏驟雨望朝旦  
蹊澗走獸稀林寒鳥飛宴密霧冥下溪聚雲屯高岸  
野雀無所依群雞聚空館川梁日已廣懷人邈渺漫  
徒酌相思酒空急促明彈

三日遊南苑

採蘋及華月追節注逐芳雲騰藉溢林疏麗日擘山文  
清潭圓翠會化薄緣綺紋合樽勝遠景斜折榮宏組芬

歲暮悲

霜露迭濡潤草木互榮落日夜改運周今悲復如昨  
晝色苦沉陰白雪夜迴薄皦潔冒霜鴈飄揚出風鶴  
天寒多顏苦妍容逐丹壑絲管千里心獨宿之然諾  
歲暮美人還寒壺與誰酌

園中秋散

一作園中載散



負疾固無豫晨衿悵已單氣交蓬門疎風數園草殘  
荒墟半晚色幽庭憐夕寒既悲月戶清復切夜蟲酸  
流枕商聲苦騷殺年志闌臨歌不知調發興誰與歡  
儻結絃上情豈孤林下彈

詠秋

秋蘭徒晚綠流風漸不親思暮我垂魚幕驚此梁上塵  
沉陰安可久豐景將逐淪何由忽靈化暫見別離人

秋夕

慮涕擁心用夜默發思機幽閨溢涼吹閑庭滿清暉

紫蘭花已歇青梧葉方稀江上淒海戾漢曲驚朔霏  
髮斑悟壯晚物謝知歲微臨宵嗟獨對撫賞怨情違  
躊躇空明月惆悵徒深帷

望水

刷鬢垂秋日登高觀水長千澗無別源萬壑共一廣  
流駛巨石轉湍迴急沫上苒苒嶺岸高照照寒洲爽  
東歸難忖惻日逝誰與賞臨川憶古事目孱千載想  
河伯自矜天海若沉渺莽

詠白雪



白珪誠自白不如雪光妍工隨物動氣能逐勢方圓  
無妨玉顏媚不奪素繪鮮投心障苦節隱迹避榮年  
蘭焚石既斷何用恃芳堅

鮑氏集卷第八

此寫在後半頁第十行

十五頁





爲柳  
解褐  
謝秣  
謝賜  
謝永  
論國  
謝上  
通世  
重與  
謝假

鮑明遠集卷第九

宋 上黨鮑照著

明新安汪士賢校

爲柳令謝驃騎表

臣言伏承詔書加臣驃騎將軍餘如故顧循空薄屢  
墜成命仰當天寵伏抱慙灼臣素陋人本絕分望適  
野謝山川之志輟耕無鴻鵠之歎官希鄉部富期農  
牧夙當昌朝早值恩洽天綱紛橫皇曆歸聖佐輪不  
殷良馬未汗功半下列爵超上賞奮迹騰光參駕龍



侍郎  
謝解  
轉常  
征北  
謝隨  
皇孫  
登大雷岸

服翰起雲飛。拂翼虹路。雖曩之脫駕拖紫。矜擔丹轂。方之微臣。彼安足齒。齊此而歸。懼塵王度。况遂頻煩。重彰濫越。伏願天德曲成。資始令終。雨露之惠。自華及殞。特屈慈獎。降申愚固。則綢繆之施。復踰造物。不勝感躍惶駭之情。謹拜表以聞。

解褐謝侍郎表

臣照言。臣孤門賤生。操無涸迹。鶉棲草澤。情不及官。不悟天明。廣矚騰滯。援沉觀光。幽節聞道。朝年榮多。身限恩非。終報臣云云。

謝秣陵令表

時為中書舍人

臣照言。即日被尚書召。以臣為秣陵令。臣負鍤下農。執羈末皂。情有局塗。志無遠立。遽命逢天。得汗官牒。不悟恩澤無窮。謬當獎試用。謝刀筆。猥承宰職。豈是闇懦所能克任。今便抵召。違離省闕。係戀罔極。不勝下情。謹拜表以聞。

謝賜藥啓

臣衛躬不謹。養命無術。情淪五難。妙謝无法。颺落先傷。衰痾早及。遐近臨猥。委存卹痛。同山嶽蒙靈藥。



之賜惠非河間謬仙使之屈恩逾脯糗惠重帷席荷  
對銜慙伏抱衿渥

謝永安令解禁止啓

臣田茅下第質非謝品志終四民希絕三在邀世逢  
辰謬及推擇恩成曲積榮秩兼過雖誓投織生昊天  
罔極迄無犬馬孤慙星歲加以淪節雪飈沉誠欸晦  
值天光燭幽神照廣察澡疊從宥與物更稟遂晞矚  
陽春湔汰秋水綴翼雲條共鮮泱沼洗膽明目抃手  
太平重甄再造含氣孰比不悟乾陶彌運復垂埏飾

驕迹升等改觀非服振纓珥筆聯承貴寵豈臣浮朽  
所可恭從實非愚瞽所宜循踐瑣族易灰脆漏已迫  
空荷載壽終責仰復飲冰肅事懷火畢命不勝屏營  
之情謹啓事以聞

論國制啓

臣啓臣聞尺之量錦工者裁之素丈之木繩墨在焉  
事無巨細非法不行當今世間政睦藩國相望君舉  
必書動成准式息躬聖壤十有餘載條制節文宜其  
備矣諸王列封動靜兼該而竊見國之處事未盡善



魚... 卷九  
臣之暗蔽私心有惜伏見彭城國舊制猶有數卷雖  
多殊革大綱可依愚謂宜令掌故刊而撰之上著朝  
典藩邦之度下揆國訓繁簡之誼傍酌州府寬猛之  
中章程久具未爲恒制豈伊今美乃足貴之將來臣  
忝充直員脫以啓聞煩而非要伏追慙悚謹啓

謝上除啓

臣言被宣賜臣上除臣伏事日淺蒙荷已豐天澤所  
及且喜且懼但臣自丁常桓來塗階級非所敢冀今  
日榮願直爾不少員乞停止上除伏願重許干穢悚

息

通世子自解

僕以常桓無用於世遭逢謬幸被受恩榮誠願論畢  
又宜捐落仁眷篤終復獲淹停感今惟昔銜佩無已  
但自無堪尸素累載腹心之愧寤寐爲憂今請解所  
職願蒙矜許自奉清塵于茲六祀墜辰末徃遺恩在  
心執紙哽咽言不自宣

重與世子啓

奉還誨深承殷勤篤眷之重披讀未終悲愧交集僕



魚... 卷九  
以常人所蒙隆厚又應知退非適今日銜恩戀德用  
缺進心今者之請必願鑑許且僕棲遲無事咫尺館  
第餐熏風微非旦則夕居職還私兩者無異而於僕  
無用有以自處豈非仁念始終之惠重致于日彌深  
慙感

謝假啓二首

臣啓臣居家之治上漏下濕暑雨將降有懼崩壓比  
欲完葺私寡功力板插綯塗必須躬役冒欲請假三  
十日伏願天恩賜垂矜許干啓復追悚息謹啓

臣啓臣所患彌留病願沉涸自近蒙歸頻更頓處日  
夜間困或數四委然一弊瞻景待化加以凶衰嬰遘  
慘悼終鮮兄弟仲由所哀臣實百罹孤苦風雨天倫  
同氣實惟一妹存沒未訣不獲訂見封瘞泉壤臨送  
私懷感恨情痛兼深臣母年老經離憂傷服食淡  
羸耗增疾心計焦迫進退罔躡冒乞申假百日伏願  
天慈賜垂矜許臣違福履身事屯悴歎息和景掩淚  
春風執啓涕結伏追惶悚謹啓

侍郎上疏



魚明遠集 卷九  
臣言臣北州衰淪身地孤賤衆善必達直行無一生  
丁昌運自北人曹操乏端緊業謝成迹但年空往瑣  
心靡述禡轡投簪於斯終志東萊負新期與相畢安  
此定命忝彼公朝不悟乾羅廣收圓明兼覽雕瓠飾  
笙備雲和之品潢汗流藻充金鼎之實鍛羽暴鱗復  
見翻躍枯楊寒炭遂起烟華未識微躬猥能及此未  
知陋生何以爲報祇奉恩命憂愧增灼不勝感荷屏  
營之情謹詣閣拜疏以聞

謝解禁止

臣言被宣令解臣禁止天光鄭重不可勝逢飛走知  
感矧臣人類臣聞獲過于神或憑尸祝以請得罪於  
君可因左右而謝臣自惟孤賤盜幸榮級闇澁大誼  
猖狂世禮竒非阮籍無保持之助才愧馮衍有鞿轡  
之困自非聖朝超然覽臣於視聽之外則今日渥澤  
更成妄遭來辰萎葉終先朝草小人歲暮知能何報  
徒厚恩華憂懼歎息不任下情謹詣拜疏以聞

侍郎滿辭閣

臣言臣所居職限滿今便收迹金闈雲路從茲自遠



鮪經沉藏方絕光景祇戀遲迴結涕濡泗臣噫杌窮  
賤情嗜嗜昧身弱洎甃地幽井谷本應守業豎矐剿  
芴牧鷄困豕以給征賦而幼性猖狂因頑慕勇釋擔  
受書廢耕學文畫虎既敗學步無成反抽歸趾還陋  
鷺雀日晏途遠塊然自喪加以無良根孤伎薄既同  
馮衍負困之累復抱相如瘠渴之疾志逐軍離事與  
襄合東馬理輪絕游息世宿福餘慶爰邁聖明煦蒸  
霜霰草中雲落得從下走叨迹人行操勤負羈班榮  
扈隸矜愚訓短哀有弗及奉此而歸足以沒齒雖摩

七頁

舊錄

肌髮無報天德更冀管魂還能結草不勝感戀之情  
謹詣闕拜疏奉辭以聞

轉常侍上疏

臣言卽日被中曹板轉臣爲左常侍臣自惟常人觸  
事無可謬被拔擢實爲光榮臣旣無髣髴上報殊絕  
之恩有分每豐其過前後輕重輒得原恕獎以君子  
之方赦其不閑教訓大愆不責矜澤必加是臣所以  
夙夜自念知遭遇之至深至厚也未冀未望便荷今  
榮欣喜感悅不敢僞讓庶保終始身命爲初不勝下



情謹詣閣拜疏謝以聞

征北世子誕育上疏

臣等言臣聞本枝無疆布諸前典衆多彌貴信之華封故德積則慶深業昌則祚廣伏承王子以中氣正月鍾靈納和誕躬紫閣膺祚朱紱弧矢夙陳珪璋攸覲雲光麗輝巖澤昭采嘉祥爰孚柔顏載醉凡在氓隸莫不忭悅臣霑恩踰物慶倍自中不勝殊歡溢喜謹奉表以聞

謝隨恩被原表

臣言卽日被曹宣命元統內外五刑以下浩澤盪汰臣亦預焉得從漢律故謬之辨閣遭周典肆責之科大喜卒至非願所圖魚愕鷄聒且悚且慙臣誠下愚不達義方然君尊臣恭豈同犬馬且常侍臣淵穆疏草卽臣所作助人爲恭猶加敬憶自己率禮寧敢慢忘由臣倖賤可悔可誣殺會參入臣豈無過寢病幽栖無援朝列身孤節卑易成論破幸大明臨下仁道毓物澤洎翮走臣覃末慶然古人有言楊者易生之木也一人植之十人拔之無生楊矣何則植之者難



拔之者易况臣一植之功不立衆拔之過屢至同彼  
風霜異此貞脆書稱天秩有禮易載神福在謙臣之  
謙禮理謝福秩仰銜俯媿行歎坐戚卽欲顛沛拜恩  
下庭但臣病久柴羸不堪冒涉小得趨馳星駕登路  
不勝荷佩之誠謹上疏以聞

皇孫誕育上疏

兼郎中令侍郎臣等言伏承東儲積慶皇孫誕育國  
啓昌期民迎福運基禋稱祉井廬相賀伏惟聖懷載  
深鴻念不任下情謹詣閣上疏以聞

登大雷岸與妹書

吾自發寒雨全行日少加秋潦浩汗山溪猥至渡沂  
無邊險徑遊棧石星飯結荷衣水宿旅客貧辛波路  
壯闊始以今日食時僅及大雷塗登千里日踰十晨  
嚴風慘節悲風斷肌去親爲客如何如何向因涉頓  
憑觀川陸遨神清渚流涕方曛東顧三洲之隔西眺  
九派之分窺地門之絕景望天際之孤雲長圖大念  
隱心者久矣南則積山萬狀爭氣負高含霞飲景參  
差代雄凌跨長隴前後相屬帶天有匝橫地無窮東



魚目混珠 卷九  
則砥原遠隰亡端靡際寒蓬夕卷古樹雲平旋風四  
起思鳥群歸靜聽無聞極視不見北則陂池潛演湖  
脉通連葦蒿攸積菴蘆所繁栖波之鳥水化之蟲智  
吞禹疆捕八號噪驚聒紛平其中西則回江未指長  
波天合滔滔何窮漫漫安竭創古迄今舳艫相接思  
盡波濤悲滿潭壑煙歸八表終爲野塵而是注集長  
寫不測修靈浩盪知其何故哉西南望廬山又特驚  
異基壓江潮峯與辰漢連接上常積雲霞雕錦柳若  
華夕矚巖澤氣通傳明散綵赫似絳天左右青靄表

裏紫霄從嶺而上氣甚金光半山純以下爲黛色信  
可以神居帝郊鎮控湘漢者也若滾洞所積溪壑所  
射鼓怒之所逐擊湧澗之所宕滌則上窮滌浦下至  
滄洲南薄鷺瓜北極雷激削長埤短可數百里中騰  
波觸天高浪灌日吞吐百川寫泄萬壑輕烟不流華  
鼎振滄芴草朱靡洪漣隴散渙長驚電透箭疾穹  
溢朋聚坻飛嶺覆回沫冠山奔濤空谷礎石爲之摧  
碎倚岸爲之墜落仰視大火俯聽波聲愁魄殫息心  
驚馬慄矣至於繁化殊育詭質怪章則有江鵝海鴨魚







河清  
佛  
交  
寺  
信  
飛  
白  
瓜  
步  
石  
帆

鮑明遠集卷第十

果 上黨鮑照著

明新安汪士賢校

河清頌 并序

臣聞善談天者必徵像於人工言古者先考績於今  
鴻羲以降遐哉邈乎鏤山嶽雕篆素昭德垂勲可謂  
多矣而史編唐堯之功載格于上下樂登文王之操  
稱於昭于天素狐玄玉聿彰符命朴牛文蠙爰定祥  
曆魚鳥動色未稚興讓皆物不盈皆而美溢金石頌





聲爲之而寢詩人於是不作庸非感歎自我皇宋之  
承天命也。仰應龍木之精，俯協龜水之靈。君圖帝寶，  
燦爛瑰英。固以業光曩代，事華前德矣。聖上天飛，踐  
極迄茲二十有四載。道化周流，玄澤汪濊。地平天成，  
含生阜熙。文同軌通，表裏釐福。曜德中區，黎庶知讓。  
觀英遐外，夷貊懷惠。秩禮恤勤，散露臺之金。賑民舒  
國，傾御邸之粟。約違迫脅，奢去甚恭。謙無留飲，畎不  
盤樂物色。異人優游，鯁直顯靡。失心幽無，怨魄精炤。  
日月事洞天，情故不勞。仗斧之使，號令不肅。而自嚴

無辱鳳舉之事，靈恠不名。而自彰萬里，神行颺塵。不  
起農商野廬，邊城偃柝。冀馬南金，填委內府。駟象棲  
爵，充羅外苑。阿統纂組之饒，衣覆宗國。魚鹽杞梓之  
利，傍瞻荒遐。士民殷富，繁軼五陵。宮宇宏麗，崇冠三  
川。閭閻有盈歌，吹無絕。朱輪疊轍，華冕重肩。豈徒世  
無窮，人民獲休息。朝呼韓罷，酤鐵而已哉。是以嘉祥  
累仍，福應尤盛。青丘之狐，丹穴之鳥。栖阿閣遊禁園，  
金芝九莖，木末六秀。銅池發膏，醴宜以謁。薦郊廟和  
協律呂，烟霏霧集。不可勝紀。然而聖上猶夙興昧旦



若有望而未至宏規遠圖如有追而莫及神明之貺  
推而弗居也是以琬碑鏤檢盛典蕪而不治朝神省  
方大化抑而未許崇文協律之士蘊舞頌於外坐朝  
陪宴之臣懷揄揚於內三靈佇睠九壤注心既有日  
矣歲宮乾維月邁蒼陸長河巨濟異源同清澄波萬  
壑壑潔瀾千里斯誠曠世偉觀昭啓皇明者也語曰影  
從表瑞從德此其效焉宣尼稱鳳鳥不至河不出圖  
傳曰俟河之清人壽幾何皆傷不可見者也然則古  
人所未見者今殫見之矣孟軻曰千載一聖是旦暮

也豈不信哉夫四皇六帝樹聲長世大寶也澤浸群  
生國富刑清鴻德也制禮裁樂淳風遷俗文教也誅  
箠羯黠束頽象闕武功也鳴禽躍魚滌穢河渠至祥  
也大寶鴻德文教武功其崇如此幽明同贊民祇與  
能厥應如彼唯天爲大堯實則之皇哉唐哉疇與爲  
抑又聞之勢之所覃者淺則美之所傳者近道之所  
感者深則慶之所流者遠是以豐功躋命潤色滕策  
盛德形容藻被歌頌察之上代則奚斯吉甫之徒鳴  
玉鑿於前視之中古則相如王褒之屬馳金羈於後



絕景揚光。清埃繼路。故班固稱漢成之世。奏御者千  
有餘篇。文章之盛。與三代同風。由是言之。斯廼臣子  
舊職。國家通議。不可輟也。臣雖不敏。敢不勉乎。乃作  
頌曰

窺刊崩石。捃逸殘竹。巢風寂寥。義埃綿邈。鉅生大年。  
瞻學淵聞。鑿繡成景。粉績顓軒。徒翫井科。未覩天河。  
亘古通今。明鮮晦多。千齡一見。書史登歌。旋我皇駕。  
揆景方塗。凌周躡殷。蹶唐轢虞。如彼七緯。累壁重珠。  
高祖撥亂。首物定靈。更開天地。再鑄群生。帝御三傑。

龍步八垌。朔南暨敷。海北騰聲。淪深格高。浹遐洞冥。  
冕鬲遷宋。玄圭告成。天明方微。鴻光中微。聖命誰堪。  
皇曆攸歸。謀從筮協。神與民推。廣旗西映。紫蓋東輝。  
納瑞螭玉。升政衡機。金輪豹飾。珠冕龍衣。正位北辰。  
垂拱南面。天下何思。日用罔倦。復禮歸仁。觀恒通變。  
一物有違。戚言毀膳。非躬簡法。厚下安宅。謙德彌光。  
損道滋益。孝崇饗祀。勤隆耕籍。醴酎秋羊。封瑾春酪。  
嬰耄兼梁。鰥孤重吊體由學染俗。以教遷禮。導刑清。  
樂鬯風宣。分衢讓齒。折訟推田。野旌伏彥。朝賞登賢。



儒訓優柔武節焱鷲文憲精弘戎容犀利樞鈐明審  
程護周備吏礪平端民羞幸覬桴鼓凝埃烽驛垂轡  
銷我鯨鯢歸爲農器閩外水鄉鄣表炎國隴首西南勃  
尾東北赭赭嶺丹渾渾泉黑移琛雲勉轉集邛夔狼  
歌薦功鳥譚陳德治博化光民阜財盛斑白行謠清  
綺高詠雲表幽和物章明慶麗植雕質蠢行藻性仁  
草晨葦德宿宵映海無隱颺山有黃落牛羊內首閭  
戶外拓瑞木朋生祥禽輩作薰風蕩閨飴露流閤罷  
範神妙劑調象藥匪直也斯偉慶方溱注彼四瀆媚

此雙川伏靈遙紀閔貺遐年澄波嶽鏡流葱山泉  
室凝澱水府清洵俛瞰夷都降眦驪淵朱宮潛耀紫  
閣陰鮮昔在爽德王風不昌迺溢迺竭或壅或亡潔  
源濫壑曾是未央先民水慨大道悠長云何其實鍾  
我皇聞諸師說天竦聽密分介焉如響匪遠疾矧  
是皇心妙夫貞一左右天經戶牖人術訐蓂布簡絲  
言盈室歲有綿祀清豈崇日一人之慶吹萬稟和靈  
根方固修源重波副睿貳哲帝體皇柯景雲蔚嶽秀  
星駢羅垂光九野騰響四遐輔車鼎足槃石虎牙世



匹周室基永漢家泰階既平洪河既清天人在上區  
宇文明樵夫議道漁父濯纓臣照作頌鋪德樹聲

佛影頌

形生麗怪神照潭寂驗幽以明考心者迹六塵煩著  
五道綿劇乃炳丹梁爰悟淪溺色丹貌績留相瓊石  
金光絕見玉臺遺覲碑昏作朗効順去逆

凌烟樓銘 并序宋臨川王起

臣聞憑懸薦響唱微効長垂一作乘波鑒景功少致深  
是以冰臺築乎魏邑鳳閣起於漢京皆所以贊生通

志感悅幽情者也伏見所製凌烟樓樓置崇迥延瞰  
平寂卽秀神皋因基地勢東臨吳甸西眺楚關奔江  
丞寫鱗嶺相葺重樹窮天通原盡目悲積陳舌賞絕  
舊年誠可以暉曠高明藻澈遠心矣夫識緣感傾事  
待言彰匪言匪述綿世罔傳敢作銘曰

巖巖崇樓藐藐層隅階基天削戶牖雲區瞰江列楹  
望景延佇積清風露合一作含綵煙塗俯窺淮海俛眺  
荆吳我王結駕藻思神居宜此萬春修靈所扶

藥奩銘

區瞰 三合 二小 綵 上  
七字 介 共 十五字 為 一  
行



水玉五龍綵止十六  
字并十五字為一行

魚珠遊集 卷一  
歲實走丸生獸墮墻時無驟得年有遐方水王出煙  
靈飛一作神靈生光龜文電衣龍綵雲裳九芝八石延正  
盪斜二脂六體振哀返華毛姬餌葉鳳子藏花景絕  
翠虬氣隱頽霞深神罕別妙奇不揚或繁虎杖或亂  
蛇牀故不世不可以服未達不可以嘗眩睛逆目是  
乃為良

飛白書勢銘

秋毫精勁霜素凝鮮霑此瑤波染彼松煙超出八法  
盡奇六文鳥企龍躍珠解泉分輕如游霧重似崩雲

絕鋒劍摧驚勢箭飛差池鸞起振迅鴻歸臨危制節  
中險騰機圭角星芒明麗爛逸絲縈髮垂平理端密  
盈尺錦兩片字金溢故仙芝煩蕩既匪足雙蟲虎瓊  
碎又安能匹君子品之是最神筆

石帆銘

應風剖流息石橫波下激地綉上獵星羅吐湘引漢  
歛蠡吞沱西歷岷冢北瀉淮河眇森弘藹積廣連深  
淪天測際巨海窮陰雲族未起風柯不吟崩濤山墜  
鬱浪雷沉在昔鴻荒刊啓源陸表裏民邦經緯鳥服



瞻貞視晦坎水巽木乃剡乃鏃既剡既斷飛深浮遠  
巢潭館谷涉川之利謂易則難臨淵之戒曰危乃安  
泊潛輕濟具表勤言穆我戒逐留御不還徒悲猿鶴  
空駕滄煙君子彼想祇心載惕林簡松栝水探龍鷁  
颯氣涉潮投祭沈璧揆檢舍圖命辰定歷三嶠虎口  
周王夙趨九折羊腸漢臣電驅潛鱗浮翼爭景乘虛  
衡石頽齧帝子察殂青山斷河后父沉軀肅吏堂津  
敢告訪途一

瓜步山楬文

歲舍龍紀月巡鳥張鮑子辭吳客楚指充歸揚道出  
關津升高問途北眺擅鄉南矚炎國分風代川揆氣  
闡澤四睨天宮窮曜星絡東窺海門候景落日遊精  
八表馭視西遐超然永念意類交橫信哉古人有數  
寸之簞持千鈞之關非有其才施處勢要也瓜步山  
者亦江中眇小山也徒以因迥爲高據絕作雄而凌  
清瞰遠擅竒含秀是亦居勢使之然也故才之多少  
不如勢之多少遠矣仰望穿垂俯視地域涕洟江河  
瘧贅丘嶽雖奮風漂石驚電剖山地綸維陷川闔毀



宮毫盈髮虛曾未注言況乎沉河浮海之高遺金堆  
璧之奇四遷八聘之策三黜五逐之疵販交買名之  
薄吮癰舐痔之卑安足議其是非

鮑明遠集卷第十

此寫在後半頁第六行

嘉慶十七年上中五冬後一日照影宋本校畢仲連記

後跋

右宋叅軍鮑照詩昔人嘗謂其  
得景陽之誦詭含茂先之靡嫻  
骨節強於謝混駟邁疾於顏延  
可謂善評至如二部大家亦以  
俊逸稱之則其詩可知矣予嘗  
於他藉中見叅軍戍邊擬古之



作詞旨超麗心竊愛之近過吳  
中友人都君玄敬出示此奉方以  
得見其全為快因刻之郡齋  
詒同志

正德庚午秋七月延平知府維揚  
朱應登記

